


石倉十二代詩選

卅九



晚唐詠史詩 方外一選 唐詩九十之六

三十九

漢書門類			
三四	九	三七四五	號
冊	架	函	類

內閣文庫			
三九	三	三七四五	漢書
函	架	冊	類

內閣文庫	
番號	漢 3745
冊數	142(41)
函號	319.25





石倉十二代詩選 唐卷之九十

詠史詩 水滸千水會明候官曹學佺閱

胡曾 字長沙人

洞庭日灑空白雲



五月扁舟過洞庭魚龍出沒水雲腥軒轅黃帝

何在回首巴山蘆葉青

箕山雲外謝水鏡山

寂寂箕山春復秋更無人到此溪頭弃瓢巖畔
中宵月千古空聞屬許由

歷代詩選 唐詩卷之九十 元

蒼梧

有虞龍駕不西還空委簫韶洞府間無計得知
陵寢處愁雲長滿九疑山

湘川

虞舜南捐萬乘君靈妃揮涕竹成紋不知精魄
遊何處落日瀟湘空白雲

渭濱

岍草青青渭水流子牙曾此獨垂鈎當時未入
非熊兆幾向斜陽歎白頭

漢江

漢江一帶碧流長兩岍春風起綠楊借問膠船
何處沒欲停蘭棹祀昭王

瑤池

阿母瑤池宴穆王九天仙樂送瓊漿謾誇八駿
行如電歸到人間國已亡

褒城

侍寵驕多得自由驪山舉火戲諸侯祗知一笑
傾人國不覺胡塵暗玉樓

歷代詩選

唐胡曾詩

二

魯城

魯公城闕已丘墟荒草無由認玉除因笑臧孫
非智者東門鐘鼓祀鷄鵠

姑蘇臺

吳王恃霸弃雄才貪向姑蘇醉醪醅不覺錢塘
江上月一宵西送越兵來

章華臺

茫茫春草沒章華因笑靈王昔好奢臺土未乾
簫管絕可憐身死野人家

細罽宮

楚王辛苦戰無功國破城荒霸業空惟有青春
花上露至今猶泣細罽宮

陽臺

楚國城池颯已空陽臺雲雨去無蹤何人更有
襄王夢寂寂巫山十二重

荆山

抱玉巖前桂葉稠碧溪寒水至今流空山落日
猿聲叫疑是荆人哭未休

歷代詩選

唐胡曾詩

卷九十

三

江

吳宮

草長黃池千里餘，歸來宗國已丘墟。
出師不聽忠臣諫，徒耻窮泉見子胥。

五湖

東上高山望五湖，雲濤煙浪起天隅。
不知范蠡乘舟後，更有功臣繼踵無。

摩笄山

春草綿綿代日低，山邊立馬看摩笄。
黃鶯也解追前事，來向夫人苑處啼。

黃金臺

北乘羸馬到燕然，此地何人復禮賢。
欲問昭王無處所，黃金臺上草連天。

馬陵

隆葉蕭蕭九月天，驅羸獨過馬陵前。
路傍古木題書處，記得將軍破敵年。

秦庭

楚國君臣草莽間，吳王戈甲未東還。
包胥不動咸陽哭，爭得秦兵出武關。

故宜城

武安南伐勒齊兵，疎鑿功將夏禹并。誰謂長渠千里後，蠻流猶入故宜城。

夷門

六龍冉冉驟朝昏，魏國賢才杳不存。惟有侯嬴在時月，夜來猶自照夷門。

豫讓橋

豫讓酬恩歲已深，高名不朽到如今。年年橋上行，人過誰有當時國士心。

成都

杜宇曾為蜀帝王，化禽飛去舊城荒。年年來叫桃花月，似向春風訴國亡。

虞坂

悠悠虞坂路，欹斜遲日和。風簇野花，未省孫陽身歿後，幾多騏驥困鹽車。

易水

一旦秦皇馬角生，燕丹歸此送荆卿。行人欲識無窮恨，聽取東流易水聲。

長城

祖舜宗堯自太平秦皇何用苦蒼生不知禍起
蕭牆內虛築防胡萬里城

沙丘

年年遊覽不曾停天下山川欲徧經堪笑沙丘
纔過處鑿輿風起鮑魚腥

滎陽

漢祖東征屈未伸滎陽失律紀生焚當時天下
方龍戰誰為將軍作誅文

沛中

漢高辛苦事干戈帝業興隆俊傑多猶恨四方
無壯士還鄉悲唱大風歌

郴縣

義帝南遷路入郴國亡身死亂山深不知埋恨
窮泉後幾度西陵片月沈

烏江

爭帝圖王勢已傾八千兵散楚歌聲烏江不是
無船渡耻向東吳再起兵

垓下

拔山力盡霸圖隳，倚劍長歌不逝騅。明月滿營天似水，那堪迴首別虞姬。

霸陵

原頭日落雪邊雲，猶放韓盧逐兔羣。況是四方無事日，霸陵誰識舊將軍。

秦關

百二秦關逐水流，虎爭龍戰為諸侯。子真獨有煙霞趣，谷口耕鋤到白頭。

居延

漠漠平沙際碧天，問人云此是居延。停驂一顧猶魂斷，蘇武爭榮十九年。

望思臺

太子銜冤去不迴，臨高徒築望思臺。至今漢武銷魂處，猶有悲風木上來。

漢宮

明妃遠嫁泣西風，玉筋雙垂出漢宮。何事將軍封萬戶，却令紅粉為和戎。

滹沱河

光武經營業未興王郎兵革暫憑陵須知後漢
功臣力不及滹沱一片冰

玉門關

西戎不敢過天山定遠功成白馬閑半夜帳中
停燭坐惟思生入玉門關

潁川

古賢高尚不爭名行止由來動杳冥今日浪為
千里客看花慙上德星亭

銅雀臺

魏武龍興逐逝波高臺空按望陵歌遏雲聲絕
悲風起翻向樽前泣翠娥

西園

月滿西園夜未央金風不動鄴天涼高情公子
多秋興更領詩人入醉鄉

檀溪

二月襄陽綠草齊王孫相引過檀溪的盧何處
埋龍骨流水依前遶大堤

瀘水

五月驅兵入不毛，月明瀘水瘴煙高。
誓將雄略酬三顧，豈憚征蠻七縱勞。

金谷園

一自佳人墜玉樓，繁華東逐汴河流。
惟餘金谷園中樹，殘日蟬聲送客愁。

峴山

曉日登臨感晉臣，古碑零落峴山春。
松門飛露涓涓滴，酷似當初墮淚人。

華亭

陸機西沒洛陽城，吳國春風草又青。
惆悵月中千歲鶴，夜來猶自唳華亭。

東山

五馬南浮一化龍，謝安入相此山空。
不知携妓重來日，幾樹鶯啼谷口風。

武陵溪

一溪春水白雲隣，流出桃花片片新。
若道長生是虛語，洞中爭得有秦人。

彭澤

英俊那甘屈下僚，便栽門柳事蕭條。
鳳皇不逐雞羣食，莫怪先生懶折腰。

金陵

侯景長驅十萬人，可憐梁武坐蒙塵。
生前不得空王力，徒向金田自捨身。

沙苑

馮翊南邊宿霧開，行人一步一徘徊。
誰知此地凋殘柳，盡是高驪敗後栽。

石城

古郢雲開白雪樓，漢江還遶石城流。
何人知道寥天月，曾向朱門送暮愁。

陳宮

陳國機權未有涯，如何後主恣驕奢。
不知已入宮前井，猶自聽吹玉樹花。

汴水

千里長河一旦開，亡隋波浪九天來。
錦帆未落干戈起，惆悵龍舟更不迴。

汪遵

蒼頡臺

觀跡成文代結繩皇風儒教浩然興幾人從此
休耕釣吟對長安雪夜燈

桐江

光武重興四海寧漢臣無不受浮榮嚴陵何事
輕軒冕獨向桐江釣月明

招隱

罷聽泉聲看鹿羣丈人才策合宦君早携書劔

離巖谷莫待蒲輪輾白雲

細腰宮

鼓聲連日燭連宵貪向春風舞細腰爭奈君王
正沈醉秦兵江上促征橈

梁寺

立國從來為戰功一朝何事却談空臺城兵
無人敵閒卧高僧滿楚宮

昇仙橋

題橋貴欲露先誠此日人皆笑率情應訝臨邛

唐詩選

唐詩選

七

沽酒客逢時還作漢公卿
昔笑李斯獄賦詞
招屈亭

三閭溯處殺懷王
感得荆人盡縞裳
招屈亭邊
兩重恨遠天秋色暮蒼蒼

孫元晏

武昌

西塞山高截九垓
童謠終日自相催
武昌魚美
應難戀江水須歸建業來

謝公賭墅

發遣將軍欲去時
略無情撓只貪棋
自從乞與
羊曇後賭墅功成更有誰

衛玠

叔寶羊車海內稀
山家女壻好風姿
江東士女
無端甚看殺玉人渾不知

放宮人

納諫廷臣免犯顏
雄威自可霸江山
姚興侍女
方承寵放出宮闈若等閑

烏衣巷

唐詩選

唐詩選

卷九十

四

古迹荒基好歎嗟，滿川吟景只煙霞。烏衣巷在何人住，回首令人憶謝家。

王方平

拂私耕釣已多時，江上山前樂可知。着却貂裘將采藥，任他人喚作漁師。

潘妃

會步金蓮寵絕倫，豈甘今日委埃塵。玉兒還有懷恩處，不肯將身嫁小臣。

梁分宮女

齊宮法令新，分張宮女二千人。可憐無限如花貌，重見世間桃李春。

庾信

苦心詞賦向誰談，淪落周朝志豈甘。可惜多才庾開府，一生惆悵憶江南。

臨春閣

臨春高閣上侵雲，風起香飄數里聞。自是君王正沈醉，豈知消息報隋軍。

後庭舞

後庭舞

嫵婉回風態若飛，麗華翹袖玉為姿。後庭一曲從教舞，舞破江山君未知。

周曇

唐堯

祇氛不起瑞煙輕，端拱垂衣日月明。何事四方無外役，茅茨深處土階平。

舜妃

瀟湘何代泣幽魂，骨化重泉志尚存。若使地中休下淚，不應新竹有啼痕。

樂羊

杯羹忍啜得非忠，巧佞胡為惑主聰。盈篋謫書能寢却，中山不是樂羊功。

范蠡

西子能令轉嫁吳，會稽知爾啄姑蘇。跡高塵外功成處，一葉翩翩在五湖。

侯嬴朱亥

屠肆監門一賤微，信陵交結國人非。當時不是二君計，疋馬那能解趙圍。

歷代詩選

唐周曇

卷九十

古

水

公孫述

劔蜀金湯孰敢爭，子陽才業匪雄英。方知在德不在險，危棧何曾阻漢兵。

廢帝

亂兵如蝟走王師，社稷顛危孰為持。夜逐螢光尋道路，漢家天子步歸時。

吳后主

吳宮季主恣驕奢，移盡江南百媚花。一旦狂風江上起，花隨風散落誰家。

齊廢帝

定策誰扶捕鼠兒，不憂蕭衍畏潘妃。長圍既合刀臨項，猶惜金錢對落暉。

獨孤后

腹生奚強有親疎，憐者為賢弃者愚。儲貳不遭讒構死，隋亡寧便在江都。

石倉十二代詩選

唐卷之九十

終

歷代詩選

唐詩選卷之九十

三

歷代詩選 唐卷之九十一

真主奚能自 詩刺刺 百為子 下

斷亦

下調既餘計 金途世蓉軍

或策請并 不憂蕭 吳番 豉 豕 圍 到 合

上起

誰家

石倉十二代詩選 唐卷之九十一

方外 明候官曹學佺闕

吳筠 字貞節 華陰人

遊仙詩

啓册觀往載 搖懷考今情 終古已寂寂 舉世何
營營 悟彼九仙妙 超然全至精 凝神契冲玄 化
服凌太清 心同宇宙廣 體合雲霞輕 祥風吹羽
蓋 慶霄拂霓旌 龍駕朝紫微 後天保常名 豈知
寰中士 軒冕矜暫榮

歷代詩選

唐卷之九十一

一

士

晨登千仞嶺俯瞰四人居原野間城邑山河分
里間眇彼塵埃中爭奔聲利途百齡寵辱盡萬
事皆爲虛自昔無成功安能與爾俱將期駕雲
景超竦昇天衢
鸞鳳棲瑤林鵬鸚集平楚飲啄衣殊好翱翔終
異所吾方遺誼囂立節慕高舉解茲區中戀結
彼霄外侶誰謂天路遐感通自無阻

碧海廣無際三山高不極金臺羅中天羽客恣
遊息霞液朝可飲虹芝晚堪食嘯歌自忘念騰
舉寧假翼保壽同三光安能紀千億

將過太帝宮暫詣扶桑處真童已相迓爲我清
宿霧海若寧洪濤羲和止奔馭五雲結層閣八
景動飛輿青霞正可挹丹樞時一遇留我宴玉
堂歸軒不令遽
欲趨洞陽界試鑿丹極表赤帝躍火龍炎官控
朱鳥導我昇絳府長驅出天杪陽靈正赫暉四
達何皎皎爲爾流凱風羣生可無夭
予因詣金母飛蓋超西極遂入素天中停輪太

濛側若華拂流景不使白日匿傾曦復亭午六合無暝色道化隨感遷此理詎能測
停驂太儀側整服金闕前肅肅承上帝鏘鏘會羣仙鴻臚發靈音廣廡張鈞天玉體洽中座高霞充四筵良期無終極俛仰移億年

步虛詞

衆仙仰靈範肅駕朝神宗金景相照耀逶迤昇太空七玄已高飛火鍊生朱宮餘慶逮天壤平和王道融八威清遊氛十絕舞祥風使我躋陽

原其來自陰功逍遙太霞上真鑿靡不通

逸轡登紫清乘光邁奔電閬風隔三天俯視猶可見玉闕標敞朗瓊林鬱葱蒨自非挺金骨焉得諧夙願真朋何森森合景恣遊宴良會忘淹留千齡纔一眄

三宮發明景朗照同鬱儀紛然馭飈歛上採空青鞋令我動金色後天曜瓊姿心叶太虛靜寥寥意何思玄中有至樂澹泊終無爲但與正直友飄飄從遨嬉

稟化凝正氣，鍊形爲真仙。忘心符元宗，返本叶自然。帝一集絳宮，流光出丹玄。無英與桃君，朗詠長生篇。六府煥明霞，百關羅紫煙。飈車涉寥廓，靡靡乘景遷。不覺雲路遠，斯須遊萬天。扶桑誕初景，羽蓋凌晨霞。倏歛造西城，嬉遊金母家。碧津湛洪源，灼爍敷荷花。煌煌青琳宮，粲粲列玉華。真氣溢絳府，自然思無邪。俯矜區中士，天濁良可嗟。

瓊臺劫爲仞，孤映太羅表。常有三素雲，凝光自

飛繞。羽景汎明霞，升降何縹緲。鸞鳳吐雅音，栖翔絳林標。玉虛無晝夜，靈景何皎皎。一覩太上京，方知衆天小。

高。清無侈靡，遇物生華光。至樂非簫歌，玉音自玲琅。或登明真臺，宴此羽景堂。杳靄結寶雲，霏微散靈香。天人誠多暇，歡泰不可量。

二氣播萬有，化機無停輪。而我探其端，乃能出陶鈞。寥寥升太漠，所遇皆清真。澄瑩含元和，氣同自相親。絳樹結丹寶，紫霞流碧津。願以保童

嬰永用超形神

經羊角哀墓作

祇召出江國路傍旌古墳伯桃葬角哀墓近荆
將軍神道不相得稱兵解其紛幽明信難知勝
負理莫分長呼遂刎頸此節古未聞兩賢結情
愛骨肉何足云遲迴駐征騎不覺空林曛

登北固山望海

此山鎮京口迴出滄洲濶躋覽何所見茫茫朝
夕池雲生蓬萊島日上扶桑枝萬里混一色焉

能分兩儀願言策煙駕縹緲尋安期揮手謝人
境喬將從此辭

過天門山懷友人

舉帆遇風勁逸勢如飛奔縹緲凌煙波崩騰走
川原兩山夾滄江豁爾開天門須臾輕舟遠想
像孤嶼存歸路日已近怡然慰心魂所經多奇
趣待與吾友論一日如三秋相思意彌敦

舟中夜行

榜人識江路挂席從宵征莫辨洲渚狀但聞風

歷代詩選 卷九十一
波驚陰雲正飄颻。落月無光晶。豈不畏難險。所
憑在忠誠。何時達遙夜。佇見初日明。

晚到湖口見廬山作呈諸故人

夜舟達湖口。漸近廬山側。高高標橫天。隱隱何
峻極。石鏡啓晨暉。鑪煙凝寒色。旅泊將休暇。歸
心已躋陟。虛名久爲累。使我辭妙域。良願道不
違。幽襟果茲得。故人在雲嶠。乃復同宴息。鴻飛
入青冥。誰能擬矰弋。

苦春霖作

龍遷南方。霖雨備江干。俯望失平陸。仰瞻隱
崇巒。風歛暄氣殘。月凄已寒時。鳥戢好音衆。
芳亦微殘。萬流注江湖。日夜增波瀾。數君曠不
接。悄悄無與歡。對酒聊自娛。援琴爲誰彈。彈爲
愁霖引。曲罷仍永歎。此歎因感物。誰能識其端。
寫懷寄同心。詞極意未殫。

酬葉縣劉明府避地廬山言懷詒鄭錄事

昆季荀尊師

明哲良罕遇。遇君輒思齊。挺生著天爵。自可析

人珪河洛初沸騰方期掃虹霓時命竟未合安
能親鼓鼙從此罷飛鳧投簪辭割雞驅車適南
土忠孝兩不睽廬岳鎮江介於焉愜林栖入門
披綵服出谷杖紅藜隱令舊閭里而今復成躋
鄭公解簪紱華萼曜松溪賢哉苟徵君滅迹爲
圃畦顧已誠非薄忝茲忘筌蹄相歡對綠樽逸
思凌丹梯道泰我長往時清君勿迷王孫且無
歸苦正萋萋

覽古詩

聖人重周濟明道欲救時孔席不暇煖墨突何
嘗繼言振頽綱將以有所維君臣竟淫惑風
俗日凋衰三代業遽隕七雄遂交馳庶物墜塗
炭區中若芬絲秦皇燎儒術方冊靡孑遺大漢
立五葉斯文復崇推乃驗經籍道兩世同屯夷
弛張固天意設教安能持
棟宇代巢穴其來自三皇跡生固爲累經始增
百玉瑤臺旣滅夏瓊室復隕湯覆車世不悟秦
氏興阿房繼踵迷反正漢家策建章力役敝萬

人環竒殫八方狗志仍未極促齡已云亡侈靡
竟何在荆榛生廟堂

吾觀采苓什復感青蠅詩讒佞亂忠孝古今同
所悲姦邪起狡猾骨肉相殘夷漢儲殞江充晉

嗣滅驪姬天性猶可問君臣固其宜子胥烹吳
鼎文種斷越鉞屈原沈湘流厥感誠自詒何不

若范蠡扁舟無還期
食其未遇落魄為狂生一朝君臣契雄辯何

縱橫運籌在漢業憑軾下齊城既錄智所達還
錄智所烹豈若終賤貧酣歌本無營

晁錯遠策為君納良規削彼諸侯權永用得
所宜姦臣負舊隙乘釁謀相危世主竟不辨身

戮宗且夷漢景稱欽明濫罰猶如斯比干與龍
逢殘害何足悲

至人順通塞委命固無疵吾觀太史公可謂識
道規留滯焉足憤感懷殄生涯吾歎龔夫子秉

義確不移晦跡一何晚天年天當時薰膏自銷
鑠楚老空餘悲京房洞幽贊神奧咸發揮如何

歷代詩選

唐詩

八

疾元惡不悟禍所歸謀物闇謀已誰言爾

精微

玄元明知止大雅尚保躬茂先洽聞者幽晴咸

該通弱年賦鷓鴣可謂達養蒙晚節希鸞鶴長

飛喚層穹知進不知退遂令其道窮伊昔辯福

初胡為迷禍終方驗嘉遁客永貞天壤同

樊先生

巢父志何遠潛精人莫知耻聞讓王事飲犢方

見移以散大朴焉能為堯師鍊真自輕舉浮

世何定

柏成子高

大禹

讓子高辭諸侯退躬適外野放浪夫

何求萬乘造中畝一言良見酬俛俛耕不顧斯

情邈難儔

臧丈人

臧叟隱中壑垂綸心浩然文王感昔夢授政道

斯全一遵無為術三載淳化宣功成遂不處遁

迹符冲玄

伯夷叔齊

卷九上

伯夷叔齊

卷九上

八

吳

夷齊互崇讓，弃國從所欽。聿來及宗周，乃復非其心。世濁不可處，水清首陽岑。采薇詠義農，高義越古今。

洞靈真人

充倉致虛極，潛迹依遠岫。智去愚獨留，日虧歲方就。鄉人謀尸祝，不欲聞俎豆。尚賢非至理，堯舜固為陋。

榮期

榮期信知止，帶索無所求。外物非我尚，琴歌自

樂。三樂通至道，一言醉孔丘。居常以待終，嘯傲去

長沮桀溺

賢哉彼沮溺，避世全其真。孔父栖栖者，征途方問津。行藏既異迹，語默豈同倫。耦耕長林下，甘與鳥雀羣。

楚狂接輿夫妻

接輿耽冲玄，伉儷亦真逸。傲然辭徵聘，耕績代祿秩。鳳歌說文宣，龍德遂隱密。一遊峨嶺上，千

載保靈術

鄭商人絃高

卓哉弦高子，商隱獨標奇。傲謀全鄭國，矯命犒

秦師。賞祿義不受，存公滅其私。虚心貴無名，遠

迹居九夷。

漢陰丈人

野哉漢陰叟，好古遂忘機。抱甕誠亦勤，守朴全

道微。貢初不達聽言識，其非已為風波人。悅

惘失所依。

段干木

干木衣者，守道杜衡門。德光義且富，可易王

侯尊。魏主欽其賢，軾廬情亦敦。秦兵遂不舉，高

卧為國藩。

魯仲連

仲連乘奇節，釋難合道情。一言却秦圍，片札降

遼城。辭金義何遠，讓祿心益清。處世功已立，拂

衣蹈滄溟。

顏歎

歷代詩選

唐吳鉉 卷九十一

十一

歷代詩選 唐吳筠
高哉彼顏歎逸氣陵齊宣道尊義不屈士重王
來前榮祿安可誘保和從自然放情任所尚長
揖歸山泉

原憲

原生何淡漠觀妙自怡性蓬戶常晏如弦歌樂
天命無財方是貧有道固非病木賜欽高風退
慙車馬盛

山四皓

萬方厭秦德戰伐何紛紛四皓同無爲丘中卧

白雲自漢成帝業一來翼儲君知幾道可尚隱
括成

河上公

邈邈河上叟無名契虛冲靈關暢玄旨萬乘趨
道風寵辱不可累飄然在雲空獨與造化友誰
能測無窮

嚴君平

漢皇舉遺逸多士感已寧至德不可拔嚴君獨
湛冥卜筮訓流俗指歸暢玄經閉關動元象何

必遊紫庭

司馬季主

季主超常倫沈迹寄卜筮宋賈二大夫停車試
觀藝高談晒朝列洪辯不可際終秉鸞鳳心條
然已遐逝

鄭子真張仲蔚

子真巖石下仲蔚蓬蒿居禮聘終不屈清貧長
晏如情在耕藝養壽資玄虛至樂非外物道
冥歡有餘

嚴子陵

漢皇敦敦友物色訪嚴生三聘迫深澤一來過
帝庭紫宸同御寢玄象驗客星祿位終不屈雲
山樂躬耕

向子平

子平好真隱清淨翫老易探玄樂無為觀象驗
損益常抱方外心且紆人間迹一朝畢婚娶五
嶽遂長適

高鳳

高鳳

吾觀時人趣矯迹務馳聲獨有高文通訟田求
翳名公車徒見累爵祿非所榮隱身樂漁釣世
網不可攬

孫公和

孫登好淳古卉服從穴居彈琴合天和讀易見
象初終日無愠色恬然在玄虛貽言誠叔夜超
迹安所如

郭文舉

郭生在童稚已得方外心絕跡遺世務栖真入

林元和感異類猛獸懷德音不憶固無情斯
言微且深

陶徵君

吾重陶淵明達生知止足怡情在樽酒此外無
所欲彭澤非我榮折腰信爲辱歸來北窗下仍
採東籬菊

胡無人行

劍頭利如芒恒持照眼光鐵騎追驍虜金羈討
黠羗高秋八九月胡地早風霜男兒不惜死破

卷九十一

瞻與君嘗

其二

十月繁霜下，征人遠鑿空。
雲搖錦更節，海照角端弓。
暗磧埋沙樹，衝飈卷塞蓬。
方隨膜拜入，歌舞玉門中。

步虛詞

紫府與玄洲，誰來物外遊。
無煩騎白鹿，不用駕青牛。
金花顏應駐，雲飛髮不秋。
仍聞碧海上，更用玉爲樓。

其二

玉樹雜金花，天河織女家。
月邊丹鳳舄，風送紫鸞車。
霧縠籠綃帶，雲屏列錦霞。
瑤臺千萬里，不覺往來賒。

題縉雲嶺永望館

人驚此路險，我愛前山深。
猶恐佳趣盡，欲行且沈吟。

題華山人所居

故人往南郭，邀我對芳樽。
歡暢日亦暮，不知城

歷代詩選

唐韋渠牟

五

市喧

別章叟

平昔同邑里，經年不相思。今日成遠別，相對心

淒其

韋渠牟

京兆人，與李白交善。

步虛詞三首

玉簡真人降，金書道籙通。煙霞方蔽日，雲雨已生風。四極威儀異，三天使命同。那將人世戀，不去上清宮。

上帝求仙使，真符取玉郎。三丈開布象，二景鬱生光。騎吏排龍虎，笙歌走鳳皇。天高人不見，暗人白雲鄉。

鸞鶴共徘徊，仙官使者催。香花三洞啓，風雨百神來。鳳篆文初識，龍泥印已開。何須生羽翼，始得上瑤臺。

夢石季武贈李愬

天津道士

聳轡排金闕，乘軒上漢槎。浮名何足戀，高舉入煙霞。

歷代詩選

唐韋渠牟

卷九十一

十六

贈劉商

廣陵道士

無事到揚州。相携上酒樓。藥囊為贈別。千載更何求。

醉歌

殷七七

琴彈碧玉調。藥鍊白硃砂。解醞頃刻酒。能開非時花。

陽春曲

愁見唱陽春。令人離腸結。郎去未歸家。柳自飄香雪。

女冠李冶

字季蘭

聽從叔琴彈三峽流泉歌

妾家本住巫山雲。巫山流泉常自聞。玉琴彈出轉寥寞。直似當時夢中聽。三峽迢迢幾千里。一時流入幽閨裏。巨石崩崖指下生。飛波走浪絃中起。初疑噴怒含雷風。又似嗚咽流不通。迴湍曲瀨勢將盡。時復滴瀝平沙中。憶昔阮公為此曲。能使伸容聽不足。一彈既罷還一彈。願比流泉鎮相續。

寄韓校書十七兄

無事烏程縣。蹉跎歲月餘。不知芸閣吏。寂寞意
何如。遠水浮仙棹。寒星伴使車。因過大雷岬。莫
忘八行書。

送韓揆之西江

相看指楊柳。別恨轉依依。萬里西江水。孤舟何
處歸。湓城潮不到。夏口信應稀。惟有衡陽雁。年
年來去飛。

送閻二十六赴剡縣

流水閨門外。孤舟日復西。離情徧芳草。無處不
萋萋。妾夢經吳苑。君行到剡溪。歸來重相訪。莫
學阮郎迷。

得閻伯鈞書

情來對鏡懶梳頭。暮雨蕭蕭庭樹秋。莫怪闌干
垂玉筍。只緣惆悵對銀鈎。

女冠魚玄機導懷詩

閒散身無事。風光獨自遊。斷雲江上月。解纜海
中舟。琴弄昭明寺。詩吟庾亮樓。叢篁堪作伴。片

石好為儔燕雀徒云貴金銀志不求滿杯春酒
綠對月夜琴幽遶砌澄清沼抽簪映細流卧牀
書冊徧半醉起梳頭

寄劉尚書

八座鎮雄軍歌謠滿路新汾川三月雨晉水百
花春囹圄長空鎖干戈久覆塵儒僧觀子夜羈
客醉紅茵筆硯行隨手詩書坐遶身小才多顧
盼得作食魚人

賦得江邊柳

翠色連荒岫煙姿入遠樓影鋪秋水面花落釣
人頭根老藏魚窟枝低繫客舟瀟瀟風雨夜驚
夢復添愁

暮春有感寄友人

鶯語驚殘夢輕粧改淚容竹陰初月薄江靜晚
煙濃濕紫甯銜泥燕香鬚採蘂蜂獨憐無限思吟
罷亞枝松

酬李郢夏日釣魚回見示

住處雖同巷經年不一過清詞勸舊女香桂折

歷代詩選 唐魚玄機
新柯道性欺冰雪。禪心笑綺羅。跡登霄漢上。無
路接煙波。

寄國香

旦夕醉吟身。相思又此春。雨中寄書使。窗下斷
腸人。山捲珠簾看。愁隨芳草新。別來清宴上。幾
度落梁塵。

早秋

嫩菊含新彩。遠山閑夕煙。涼風驚綠樹。清韻入
朱絃。思婦機中錦。征人塞外天。雁飛魚在水。書

信若爲傳。

感懷寄人

恨寄朱絃上。含情意不任。早知雲雨會。未歇蕙
蘭心。月色苔階淨。歌聲竹院深。門前紅葉地。不
掃待知音。

期友人阻雨不至

雁魚空有信。雞黍恨無期。閑戶方籠月。褰簾已
散絲。近泉鳴砌畔。遠浪漲江湄。鄉思悲秋客。愁
吟五字詩。

歷代詩選

唐魚玄機

卷九十一

三

云

訪趙鍊師不遇

何處同仙侶。青衣獨在家。
煖爐留煮藥。隣院爲煎茶。
畫壁燈光暗。幡竿日影斜。
殷勤重回首。墻外數枝花。

寄飛卿

階砌亂蛩鳴。庭柯煙露清。
月中隣樂響。樓上遠山明。
珍簟涼風著。瑤琴寄恨生。
嵇君懶書札。底物慰秋情。

情書寄李子安

補闕

飲冰食蘖志無功。晉水壺關在夢中。
秦鏡欲分愁墮鵲。舜琴將弄怨飛鴻。
井邊桐葉鳴秋雨。窗下銀燈暗曉風。
書信茫茫何處問。持竿盡日碧江空。

和友人次韻

何事能銷旅館愁。紅箋開處見銀鈎。
蓬山雨灑千峰小。嶰谷風吹萬葉秋。
字字朝看輕碧玉。篇篇夜誦在衾稠。
欲將香匣收藏却。且惜時吟在手頭。

歷代詩選 唐魚玄機

和_二新及第悼_二詩

仙籍人間不久留。片時已過十經秋。鴛鴦帳下香猶暖。鸚鵡籠中語未休。朝露綴花如臉恨。晚風欹柳似眉愁。彩雲一去無消息。潘令多情欲白頭。

夏日山居

移得仙居此地來。花叢自遶不曾栽。庭前亞樹張衣桁。坐上新泉泛酒杯。軒檻暗傳深竹逕。綺羅長擁亂書堆。閒乘畫舫吟明月。一任輕風吹却回。

暮春卽事

深巷窮門少侶儔。阮郎惟有夢中留。香飄羅綺誰家席。風送歌聲何處樓。街邊鼓鼙喧曉睡。庭閒鵲語亂春愁。安能追逐人間事。萬里身同不繫舟。

代人悼_二

曾覩天桃想玉姿。帶風楊柳認蛾眉。珠歸龍窟知誰見。鏡在鸞飛話向誰。從此夢悲煙雨夜。不

歷代詩選 卷九十一 二 云

歷代詩選 唐魚玄機
堪吟苦寂寥時。西山日落東山月。恨想無因有
歇期。

和人

茫茫九陌無知己。暮去朝來典繡衣。寶匣鏡昏
蟬鬢亂。博山爐煖麝煙微。多情公子春留句。少
思文君晝掩扉。莫惜羊車頻列載。柳絲梅綻正
芳菲。

左名場自澤州至京使人傳語

閒居作賦幾年愁。王屋山前是舊遊。詩詠東西
千嶂亂。馬隨南北一泉流。曾陪雨夜交歡席。別
後花時獨上樓。忽喜扣門傳語至。爲憐隣巷小
房幽。

酬李學士寄簾

珍簾新鋪翡翠樓。泓澄玉水記方流。惟應雲扇
情相似。同向銀牀恨早秋。

遊崇真觀南樓觀新及第題名處

雲峰滿目放春晴。歷歷銀鈎指下生。自恨羅衣
掩詩句。舉頭空羨榜中名。

江行

大江橫抱武昌斜，鸚鵡洲前萬戶家。
畫舸春眠朝未足，夢為蝴蝶也尋花。

聞李端公垂釣回寄贈

無限荷香染暑衣，阮郎何處弄船歸。
自慚不及鴛鴦侶，猶得雙雙近釣磯。

題隱霧亭

春花秋月入詩篇，白日青霄是散仙。
空捲珠簾不曾下，長移一榻對山眠。

重陽阻雨

滿庭黃菊籬邊折，兩朶芙蓉鏡裏開。
落帽臺前風雨阻，不知何處醉金杯。

送別

秦樓幾夜愜心期，不料仙郎有別離。
睡覺莫言雲去處，殘燈一盞野蛾飛。

石倉十二代詩選

唐卷之九十一

終

此詩見於...
 其意...
 其詞...
 其韻...
 其法...
 其理...
 其情...
 其景...
 其氣...
 其神...
 其骨...
 其肉...
 其血...
 其脈...
 其理...
 其法...
 其理...
 其法...

石倉十二代詩選

唐卷之九十一

方外二

明候官曹學佺閱

釋皎然

字清晝
吳興人

杼山禪居寄贈東溪吳處士馮一首

青雲何潤澤下有賢人隱
 路入菱湖深迹與黃鶴近
 野風吹白芷山月搖清軫
 詩祖吳叔庠致君才不盡
 身當青山秀文體多郢聲
 澄澈湘水碧沈寥楚山清
 時人格不同至今罕知名
 昔賢敦師友此道君獨行
 既得廬霍趣乃高雷遠情

別時春風多，掃盡雪山雪。爲君中夜起，孤坐石上月。悠然遺塵想，邈矣達性說。故人不在茲，幽悵情多結。

答鄭方回

獨禪外念入，中夜不成定。顧我顛顛容，釋君陽春詠。詞貞思且逸，瓊彩何暉映。如聆雲和音，况覩聲名盛。琴語掩爲聞，山聲必宜聽。是時寒光澈，萬境澄以淨。高秋日月清，中氣天地正。遠情偶茲夕，道用增寥夔。思君處虛室，一操不可更。

時美城北徐家承谷口，鄭軒車未有轍。蒿蘭且同逕，莊生誠近名。夫子罕言命，是以耕楚田。曠然殊獨行，葳蕤鸞鳳彩。特達珪璋性，通隱嘉黃綺。高儒重荀孟，世污我未起。道蹇吾猶病，逸翮息冥冥。潛鱗樂游泳，宗師許學外。恨不逢孔聖，說詩迷頽靡。偶俗易趨競，此道共誰詮。因君情欲罄。

妙喜寺達公禪齋寄李司直公孫房都曹

德裕裴從事，方舟顏武康。士騁四十二

韻

我祖傳六經精義思朝徹
方舟頗周覽逸書亦
備閱墨家傷刻薄儒氏知優劣
弱植庶可彫苦心未嘗輟
中年慕仙術永願傳其訣
歲駐若木景日餐瓊禾
屈嬋娟美門子斯語豈徒設
天上生白榆葳蕤信好折
實可返柔顏花堪養玄髮
求之性分外業弃金亦竭
藥化成白雲形彫辭素穴
一聞西天旨初禪已無熱
涓子非我宗然公有真訣
却尋丘壑趣始與纓紱別
野飯敵膏

山楹代藻稅與君比巖侶
遊寓日常挾靜對春谷泉
晴披陽林雪境清覺神王
道勝知機滅詣寂長杳冥
忘歸蹙採擷物生豈有心
麗容俟予別桂子何莫苓
奇葩亦皎潔此木生意高
亦與衆芳列賞心識屢換
省躬悟彌切微尚若不虧
足以全吾節北風吹蕙帶
蕭寥聞蜻蛚宿昔廬峰期
流芳已再歇不有清屏鑒
使我商絃絕願寄千里心
月高不可掇優游邦之直
遠矣踵前烈立俗忘毀譽
遇物遺巧拙真氣獨條然
軒

裳詎能繼。都曹風韻整。綱紀信明決。于交必傾
寫。立行豈矜伐。政與清澗同。分流自澄澈。裴侯
資亮直。中誠豈徒說。古人比明義。清士願交結。
溫溫射珪彩。終始聲不缺。顏生炯介士。有志不
可越。仗義曷險艱。持操去緇涅。世論高二顏。賢
賢繼前哲。四子遭明盛。哀然皆秀傑。埋名雖殊
迹。悟道寧異轍。愛爾竹柏姿。爲予寒不折。

遙酬袁使君高春暮行縣過報德寺見懷
江春行求瘼。偶與真境期。見說三陵下。前朝開

佛祠。停舟仰麗刹。繡組發香墀。咫尺空界色。天
人花落時。盛遊限羸疾。悚踴瞻旌旗。峰翠羨閒
步。松聲入遙思。素高淮陽理。况負東山姿。迨此
一登覽。深情見新詩。

戲呈吳馮

予讀古人書。遂識古人面。不是識古人。邪正心
自見。貴義輕財求俗譽。一錢與人便驕倨。昨朝
爲火。今爲冰。此道非君獨撫膺。

奉和崔中丞使君論李侍御登爛柯山石

橋寺效小謝

常愛謝公郡，幽期願相從。
 果迴青驄臆，共躡玄仙蹤。
 靈境若髣髴，爛柯思再逢。
 飛梁丹霞接，古局蒼苔封。
 徃想冥昧理，誰親冰雪容。
 蕙樓聳空界，蓮宇開中峰。
 昔化冲虛鶴，今藏護法龍。
 雲窺香樹杳，月見色天重。
 永夜寄岑寂，清言滌心胸。
 盛遊千年後，書在巖中松。

夏日題桐廬楊明府納涼山齋

陶家無炎暑，自有林中峰。
 席上落山影，桐梢迴水容。
 放懷涼風至，緩步清陰重。
 何事親堆案，猶多高世蹤。

夏日與綦毋居士呈上人納涼

為依鑪峰住，境勝增道情。
 涼日暑不變，空門風自清。
 坐援香實近，轉愛綠蕪生。
 宗炳青霞士，如何知我名。

新秋送盧判官

故人念宿昔，欲別增遠情。
 入座炎氣屏，為君秋景清。
 由來空山客，不怨離絃聲。
 惟有暮蟬起，相

思碧雲生

送崔判官還揚子

輕傳低遠役，依依下姑亭。
秋聲滿楊柳，暮色繞郊坰。
煙水搖歸思，山當楚驛青。

御招三韻

秋風怨別情，江守上西城。
竹暑寒流淺，琴窗宿雨晴。
治書招遠意，知其楚狂行。

送清源上人

何意欲歸山，道高由境勝。
花空覺性了，月靜知心證。
永夜出禪吟，清猿自相應。

水月

夜夜池上觀，禪身坐月邊。
虛無色可取，皎潔意難傳。
若向空心了，長如影正圓。

往丹陽尋陸處士不遇

遠客殊未歸，我來幾惆悵。
叩關一日不見人，繞屋寒花笑相向。
寒花寂寂徧荒阡，柳色蕭蕭愁暮蟬。
行人無數不相識，獨立雲陽古驛邊。
鳳翅山中思本寺，魚竿村口望歸船。
歸船不見見寒

煙離心遠水共悠然他日相期那可定閒僧着處即經年

買藥歌送楊山人

華陰少年何所希欲餌丹砂化骨飛江南藥少淮南有暫別胥門出京口京口斜通江水流徘徊應上青山頭夜驚潮沒鷓鴣堰朝看日出芙蓉樓蕩漾春風亂帆影片雲無數是揚州揚州喧喧賣藥市浮俗無由識仙子河間姹女直千金紫陽夫人服不死吾于此道復何如昨朝新

得蓬萊書

顧渚行寄裴方舟

我有雲泉隣渚山山中茶事頗相關鴉鳴時芳草死山家漸欲收茶子伯勞飛日芳草滋山僧又是採茶時由來慣採無近遠陰嶺長兮陽嶺淺大寒山下葉未生小寒山中葉初卷吳姪携籠上翠微蒙蒙香刺罽春衣迷山乍被落花亂度水時驚啼鳥飛家園不遠乘露摘歸時露彩猶滴瀝初看怕出欺玉英更取煎來勝金液

歷代詩選 唐釋清書
昨夜西風雨色過，朝尋新茗復如何。女宮露澀青芽老，堯市人稀紫笋多。紫笋青芽誰得識，日暮採之長太息。清泠真人待子充，貯此芳香思何極。

支公詩

支公養馬復養鶴，率性無機多脫略。天生支公與凡異，凡情不到支公地。得道由來天上仙，爲僧却下人間寺。道家諸子論自然，此公惟許逍遙篇。山陰詩友誼四坐，佳句縱橫不廢禪。

山雨

一片雨山半晴，長風吹落西山上。滿樹蕭蕭心耳清，雲鶴驚亂下水香凝。不俟風迴雨定，芭蕉濕一滴時時入畫禪。

述夢

夢中歸見西陵雪，渺渺茫茫行路絕。覺來還在剡東峰，鄉心繚亂愁夜鐘。寺北禪岡猶記得，夢歸長見山重重。

山中月夜寄無錫長官

湖上涼風早，雙峰月色秋。遙知秣陵令，今夜在西樓。別葉蕭蕭下，含霜處處流。如何共清景，異縣不同遊。

晚秋登佛川南峰懷裴例

登嶺望落日，渺然傷別魂。亭臯秋色徧，遊子在荆門。世故東西客，山空斷續猿。此心誰復見，寂寞偶芳蓀。

和裴少府懷京兄弟

宦遊三楚外，家在五陵原。涼夜多歸夢，秋風滿故園。北書無遠信，西候獨傷魂。空念青門別，殷勤岐路言。

和闍士和望池月答人

片月忽臨池，雙蛾憶畫時。光浮空似粉，影散不成眉。孤枕應驚夢，寒林正入帷。情知兩處望，莫怨獨相思。

奉同盧使君幼平遊精舍寺

影剎西方在，虛空翠色分。人天霽後見，猿鳥定中聞。真界隱青壁，春山凌白雲。今朝石門會，千

古仰斯文

和邢端公登臺春望句句有春字之什

春日繡衣輕春臺別有情春煙間草色春鳥
花聲春樹亂無次春山遙得名春風正飄蕩夫
甕莫須傾

獨遊二首

性野趣無端春晴路又乾逢泉跋石弄放鶴向
雲看好僻誰相似從狂我自安芳洲亦有意步
上白沙灘

臨水興不盡虛舟同可嬉還雲與歸鳥若共山
僧期世事吾不預此心誰得知西峰有禪老應
見獨遊時

遊溪寺待月

溪色思泛月沿洄欲未歸殘燈逢水店踈磬憶
山扉夜浦魚驚少空林鵲遶稀可中纔望見撩
亂擣寒衣

夏日集裴錄事北亭避暑

前林夏雨歇為我生涼風一室煩暑外衆山清

景中忘歸親野水適性許雲鴻蕭散都曹吏還
將靜者同

湯評事衡水亭會覺禪師

山侶相逢少清晨會水亭雪晴松葉翠煙暖藥
苗青靜對滄洲鶴閒看古寺經應憐叩關子了
義共心冥

與朝陽山人張朝夜集湖亭賦得各言其

志

洞庭孤月在秋色望無邊零露積衰草寒蟬鳴

古田茫茫區中想寂寂塵外緣從此悟浮世胡

為傷暮年

寒食日同陸士行報德寺宿解公房

古寺章陵下潛公住幾年安心生軟草灌頂引
春泉寂寂傳燈地寥寥禁火天世間多暗室白
日為誰懸

山寺早秋桐廬思歸示道諺上人

桐江秋信早憶在故山時靜夜風鳴磬無人竹
掃埽猿來觸淨水鳥下啄寒梨可即關吾事歸

心自有期

勞勞山居寄程處士

山事由來別只應中老身寒園掃定粟秋浪拾
乾薪領鶴閒書竹誇雲笑向人俗家相去遠野
水作東隣

酬別襄陽詩僧少微

詩中答上人
歸夢之意

證心何有夢示說夢歸頻文字齋秦本詩騷學
楚人蘭開衣上色柳向手中春別後須相見浮
雲是我身

送契上人遊

西遊古江口遠見東楊州淥水不同汎春山應
獨遊尋僧白巖寺望月謝家樓宿昔心期在人
寰非久留

送沈秀才之閩中

越客不成歌春風起綠波嶺重寒不到海近瘴
偏多野戍枕榔發人家翡翠過翻疑此中好君
問定如何

送清會上人遊

佳遊限衰疾一笑向西風思見青門外曾遊素
澗東峰明雲際寺日出露寒宮行道禪長在香
塵不染空

沈居士還太原

辭鄉因世難家族盛南朝名重郊居賦才高獨
酌謠浪花飄一葉峰色向三條高逸雖成性弓
旌肯忘招

兵後送姚太祝赴選

兩河兵已偃處處見歸舟日夜故人散江臯芳

樹秋楚雲傷遠思秦月憶佳遊名動春官籍翩

翩才少儔

啼猿送客

萬里巴江水三聲月峽深何年有此路幾客共
沾襟斷壁分垂影流泉入苦吟淒涼離別後聞
此更傷心

宿吳匡山破寺

雙峰百戰後真界滿塵埃蔓草緣空壁悲風起
古臺野花寒更發山月暝還來何事池中水東

流獨不回

送重鈞上人遊天台

漸看華頂出幽意尚隨生十里行松色千重過
水聲海容雲正盡山態雪初晴事事將心證知
君道可成

送劉司法之越州

蕭蕭鳴夜角驅馬背城濠雨後寒流急秋來朔
吹高三山期望海八月欲觀濤幾日西陵路應
逢謝法曹

送簡棲上人之建州覲使君舅

亂峰江上色美爾及秋行釋氏推真子邴家許
貴甥艷花新雨淨帆葉好風輕千里依元舅迴
潮亦有情

同顏使君清明遊因送蕭主簿

誰知賞嘉節別意忽相和暮色汀州徧春晴楊
柳多高城戀旌旆極浦宿風波惆悵支山月今
宵不再過

送贊上人還京

久遊春草盡還寄北船歸沙鳥窺中食江雲滿
淨衣秦原山色近楚寺磬聲微見說翻經館多
聞似爾稀

送廣通上人遊江西

香鑪七嶺秀秋色九江清自古多禪隱吾常愛
此行尋師經鄂渚受請到青城離別人間事何
關道者情

送李秀才赴婺州招

山開江上色孤賞去應遲淥水近吳榜秋風入

楚詞猿清獨宿處木落遠行時見說東陽守登
樓為爾期

送李季良北歸

風吹殘柳綠孤客欲歸時掩抑楚絃絕離披湘
葉衰前軍猶轉戰故國眇難期北望雁門雪空
吟平子詩

送至洪沙彌上元受戒上元江中蔡州有

梁戒壇

不肯資章甫勝衣披木蘭今隨秣陵信欲及蔡

州壇野寺鐘聲遠春山戒足寒歸來次第學應
見後心難

送王山人遊廬山

千里訪靈竒山資亦共隨葉舟過鶴市花漏宿
龍池峰頂應閒散人間足別離白雲將世事吾
見爾心知

詠數探得七

鄒子談天歲黃童對日年求真初作傳鍊魄已
成仙鶴駕迎緱嶺星橋下蜀川逢君竹林客相

對弄清絃

題餘不溪廢寺

武原離亂後真界積塵埃殘月生秋水悲風起
故臺居人今已盡栖鴿暝還來不到無生理應
堪賦七哀

冬日遙和盧使君幼平綦母居士遊法華
寺高嶺臨湖亭

仁坊標絕境廉守躡高蹤天曉纔分剎風傳欲
盡鐘城中歸客遠湖上碧山重水照千花界雲

開七葉峰寒空艾綬滿空翠白綸濃逸韻知難
繼佳遊恨不逢仍聞撫禪石為我久從容

冬日送顏延之明府撫州覲叔父

臨川千里別惆悵上津橋日暮人歸盡山空雪
未銷鄉心雲渺渺楚水路遙遙林下方歡會山
中獨寂寥天寒驚斷雁江信望迴潮歲晚流芳
歇思君在此宵

秋日遙和盧使君遊何山寺宿馭上人房

論涅槃經義

江郡當秋景期將道者同迹高憐竹寺夜靜賞
蓮宮古磬清霜下寒山曉月中詩情緣境發法
性寄筌空翻譯推南本何人繼謝公

日曜上人還潤州

送君何處最堪思孤月停空欲別時露茗猶芳
邀重會寒花落盡不成期鶴令先去看山近雲
愛初飛到寺遲莫倚禪功放心易蕭家陵樹誤
人悲

春日村山寄李縱員外

南山惟與北山隣。古樹連拳伴我身。黃鶴有心
 多不住。白雲無事獨相親。閒持竹錫深看水。懶
 着麻衣出見人。欲綴幽芳聊贈送。郎官那賞石
 門春。

酬秦山人贈別

知君高隱占賢星。卷葉時時注佛經。姓被名公
 題舊里。詩將麗句號新亭。來觀新月依清室。欲
 漱香泉護淨瓶。我有主人江太守。如何相伴住
 禪靈。

山居示靈澈上人

清明路出山初暖。行踏春蕪看茗歸。乍削柳枝
 聊代札。時窺雲影學裁衣。身閒始覺隳名是。心
 了方知苦行非。外物寂中誰似我。松聲草色共
 無機。

秋居法華寺下院望高頂贈如獻上人

峰色秋天見。松聲靜夜聞。影孤長不出。行道在
 深雲。

送僧遊揚州

平明擇鉢向風輕。正及隋堤柳色行。知爾禪心還似我。故宮春物肯傷情。

寺院聽胡笳送李殷

一奏胡笳客未停。野僧還欲廢禪聽。難將此意臨江別。無限春風葭莢青。

送僧繹

斜日搖揚在柳絲。孤亭寂寂水逶迤。誰堪別後行人盡。惟有春風起路岐。

送文會上人還富陽

悠悠渺渺屬寒波。故寺思歸意若何。長憶孤舟二三月。春山偏愛富春多。

送僧之京師

絲絲縹縹楚雲繁。萬里西歸望國門。禪子初心易悽斷。秋風莫上少陵原。

長門怨

春風日日閉長門。搖蕩春心似夢魂。若遣花開只笑妾。不知桃李自無言。

赤松

綠葉蒙籠出見天晴沙瀝瀝水濺濺何處羽人
長洗藥殘花無數逐流泉

送履霜上人還金陵西山夢覺水聲蘇
攜錫西山步綠莎禪心未了柰情何湘宮水寺
清秋夜月落風悲松柏多

送辯聰上人還廣陵
莫學休公學遠公了心須與我心同隋家古柳
數株在看取人間萬事空

送清勵上人遊福建

禪子自矜禪性成將來擬照建溪清南看闍樹
花不落更取何緣了妄情

送柳察諫議叔

東城南陌強經過怨別無心亦放歌明日院公
應問我閒雲常在石門多

冬日梅溪送裴方舟之宜州

平明匹馬上村橋花發梅溪雪未消日短天寒
愁送客楚山無限路遙遙

法華寺上方題江上人禪室

路入松聲遠更奇山光水色共參差
中峰禪寂一僧在坐對梁朝老槍枝

[Faint bleed-through text from the reverse side of the page]

石倉十二代詩選 唐卷之九十三

方外 三 明候官曹學佺閱

釋靈一

仰詠遠公

遠公逢道安一朝弃儒服真機久消歇
世教空拘束誓入羅浮中遂栖廬山曲
禪經初纂定佛語新名目鉢帽絕朝宗
簪裾翻拜伏東林多隱士為我辭榮祿

酬皇甫冉將赴無錫于雲門寺贈別

湖南通古寺來徃意無涯欲識雲門路干峰到
若耶春山子敬宅古木謝敷家自可長偕隱那
言相去賒

宜豐新泉

泉源新湧出洞澈映纖雲稍落芙蓉沼初淹苔
蘚文素將空意合淨與衆流分每到清宵月冷
冷夢裏聞

同使君宿大梁驛

旌旗江上出花外捲簾空夜色臨城月春寒度
水屋雖然行李別且喜語音同若問庄廬事終
身愧遠公林

靜林寺

靜林溪路遠蕭帝有遺踪水聲懸淨磬山鳴于
闌鐘燈傳三世火樹老五株松無數煙霞色空
聞昔卧龍

自大林與韓明府歸郭中精舍

野客同舟檝相携復一歸孤煙生暮景遠岫帶
春暉不道還山是誰云向郭非禪門有通隱喧



寂共忘機

贈靈徹禪師

禪師來往翠微間，萬里千峰到剡山。
何時共到天台裏，身與浮雲處處閒。

題三僧院

虎溪閒月引相過，帶雪松枝挂薜蘿。
無限青山行欲盡，白雲深處老僧多。

宿靜林寺

山寺門前多古松，溪行欲到已聞鐘。
中宵引領尋高頂，月照雲峰几幾重。

尋高頂月照雲峰几幾重

釋無可

送呂郎中赴滄州

出守滄州去，西風送旆旌。
路遙經幾郡，地盡到孤城。
拜廟千山綠，登樓徧海青。
何人共東望，日向積濤生。

書馬如文石門居

別業見高致，暮泉喧客亭。
林廻天闕近，雨過石門青。
野果誰來拾，山禽獨卧聽。
要迎文會友，時

歷代詩選

唐釋

無可

三

復掃柴扃

送章正字秩滿東歸

朝衣登別席。春色滿秦關。芸閣吏誰替。海門身
又還。尋僧流水僻。見月遠林閒。雖是忘機者。難
齊去住間。

賦得望遠山送客歸

遙山寒雨過。正向暮天橫。隱隱凌雲出。蒼蒼與
水平。何時凝厚地。幾處映孤城。歸客秋風裏。迴
看傷別情。

送宜春裴宰是將軍旻之孫

垂白方爲縣。從知大父雄。山春南去棹。楚夜北
飛鴻。疊嶂和雲滅。孤城與嶺通。誰知持惠化。一
境動清風。

秋夜寄青龍寺空真二上人

夜來思道侶。木葉向人飄。精舍池邊古。秋山樹
下遙。磬寒能幾里。雲白已經宵。未得同居止。蕭
然自寂寥。

經貞女祠

歷代詩選

唐釋無可

三

云

李常侍書堂

結構因墳籍。簷前竹未生。塗油窗日早。閱槩幌風輕。息架蛩驚客。垂燈雨過城。已應窮古史。師律可齊名。

送薛重中丞充太原副使

中丞出華省。副相晉陽行。書答偏州啓。籌參上將營。踏沙秋馬細。吹雨曉笳清。正報胡塵滅。桃花汾水生。

冬夜姚侍御宅送李廓少府

王事圭峰下。將還禁漏餘。偶歡新歲近。惜別後期疎。雪罷見來吏。川昏即整車。獨吟多暇日。應寄栢臺書。

送沅江宋明府即開府璟之孫

初聞從事日。鄂渚動芳菲。一遂鈞衡薦。今為長吏歸。人臨沅水望。雁映楚山飛。惟有傳聲政。家風重發揮。

送顥法師往太原講兼呈李司徒

近臘辭精舍。并州謁尚公路。長山忽盡塞。廣雪



歷代詩選 唐詩集 卷五
無窮講席開晴壘禪衣涉遠風聞經諸弟子應
滿此門中

過杏溪寺寄姚員外

門逕衆峰頭盤巖復轉溝雲僧隨樹老杏水落
江流猿狖有時到秦人今日遊謝公多晚望此
景在南樓

中秋月

蟾宜天地靜三五對階堦照耀超諸夜光芒掩
衆星影寒池更澈露冷樹銷青在值中秋半長

乖宿洞庭

送朴山人歸日本

海霽晚帆開應無鄉信催水從荒外積人指日
邊回望國乘風久浮天絕島來儻因華夏使書
札轉悠哉

送姚宰任吉州安福縣

落絮滿衣裳携琴問酒鄉挂帆南人楚到縣半
浮湘吏散翠禽下庭閒斑竹長人安宜遠步沙
上蕙蘭香

送李少府之任臨邛

邛南方作尉調補一何卑
發論惟公幹承家乃
帝枝山長風裏棧江陰石和嘶
舊井王孫宅還
尋獨有期

遊山寺

千峰路盤盡林寺昔何名
步步入山影房房聞
水聲多年人跡斷殘照石陰清
自可求居止安
閒過此生

酬姚員外見過林下

掃苔迎五馬蒔藥過申鐘
鶴共林僧見雲隨野
客逢入樓山隔水滴旆露垂松
日暮題詩去空
知雅調重

送人罷舉東遊

東堂今已負况此遠行難
兼雨風聲過連天草
色乾鴻嘶荒壘閉兵燒廣川寒
若向龍門宿懸
知拭淚看

全州冬月陪太守遊池

殘臘雪紛紛林間起送君
苦吟行迴野投跡向

歷代詩選 唐釋無可 七
寒雲絕頂晴多去。幽泉凍不聞。惟應草堂寺高
枕脫人羣。

寄清龍寺原上人

歛屨入寒竹。安禪過漏聲。高杉殘子落。深井凍
痕生。擺磬風枝動。懸燈雪屋明。何當招我宿。乘
月上方行。

秋寄從兄賈島

暝虫喧暮色。默思坐西林。聽雨寒更徹。開門落
葉深。昔因京邑病。併起洞庭心。亦是吾兄事。遲

迴共至今。

新年

燃燈朝復夕。漸作長年身。紫閣無歸路。青門又
見春。掩關寒過盡。開定草生新。自有林中趣。誰
驚歲去頻。

暮秋宿友人居

招我郊居宿。開門但苦吟。秋眠山燒盡。暮歇竹
園深。寒浦鴻相叫。風窗月欲沈。翻嫌坐禪石。不
在此松陰。

送李騎曹之武寧

一歲一歸寧，涼天數騎行。
河來當塞曲，山遠與沙平。
縱獵旗風卷，聽笳帳月生。
新鴻引寒色，迴日滿京城。

秋日寄勵玄先輩

楊柳起秋色，故人猶未還。
別離俱自老，少壯豈能閒。
夜雨吟殘燭，秋城憶遠山。
何當一相見，語默此林間。

題青龍寺縱公房

從誰得法印，不離上方傳。
夕磬城霜下，寒房竹月圓。
煙殘衰木畔，猿住積雲邊。
未隱滄洲去，時來此地禪。

贈圭峰禪師

絕壑禪牀底，泉分落石層。
霧交高頂草，雲隱下方燈。
朝滿傾心客，谿連學道僧。
半旬持一食，此事有誰能。

金州別姚合

日日西亭上，春留到夏殘。
言之離別易，勉以道

歷代詩選 卷九十三
途難山出一千里溪行三百灘松間樓際月秋
入五陵看

夏日送田中丞赴蔡州

出守汝南城應多戀闕情地遙人久望風起旆
初行楚廟繁蟬斷淮田細雨生賞心知有處蔣
宅古津平

蘭

蘭色結春光氛氳掩衆芳過門階露葉尋澤逕
連香晚靜風吹亂亭秋雨引長靈均曾采擷紛

佩掛荷裳

隕葉

遶巷夾溪紅蕭條逐北風別林遺宿鳥浮水載
鳴東石小埋初盡枝長落未終帶霜書麗什閒
讀白雲中

行漢水晚次神灘阻風

驚風山半起舟子忽停橈岍荻吹先亂灘聲落
更跳聽松今欲暮過島或明朝若盡平生趣東
浮看石橋

歷代詩選

卷九十三

十一

合

合

送田中丞使西戎

朝元下赤墀。玉節使西夷。關隴風迴首。河湟雪
灑旗。積沙行幾月。戎帳到何時。應盡平生志。高
全大國儀。

送董正字歸覲毘陵

蹙辭離校去。未發見新鴻。路入江波上。人歸楚
邑東。山遙晴出樹。野極暮連空。何以念兄弟。應
思潔膳同。

送靈武李侍御

靈州天一涯。幕客似還家。地得江南壤。程分積
裹砂。禁鹽調上味。麥穗結秋花。前席因籌畫。清
吟塞日斜。

酬厲侍御秋中思歸樹石所居見寄

三峰居接近。數里躡雲行。探去通仙境。思歸厭
宦名。月從高掌出。泉向亂松鳴。坐石眠霞侶。秋
來短褐成。

寄興善寺崔律師

沐浴前朝像。深秋白髮師。從來居此寺。未省有

東池幽石叢圭片孤松動雪枝頃曾聽道話別
起遠山思

送清散遊太白山

卷經歸太白躡蘇別蘿龕若履浮雲上須看積
翠南倚身松人漢暝日月離潭此境堪長往塵
中事可諳

送契公自桂陽赴南海

南行登嶺首與俗洗煩埃磬罷孤舟發禪移積
瘴開中餐湘鳥下朝講海人來莫便將經卷炎

方去不廻

冬日與諸公會宿姚端公宅懷永樂殿侍

御

柱史靜開筵所思何地偏故人爲縣吏五老遠
峰前賓榻寒侵樹公庭夜落泉會當隨假務一
就白雲禪

送姚明府赴招義縣

濠梁古縣城結束赴王程道路携家去波濤隔
月行車臨芳草下吏踐落花迎暮郭山遙見春



歷代詩選 唐穆無可
洲鳥不驚風煙譙國遠桑柘楚田平何以書能
化長淮澈海清

送韓校書赴江西

車馬東門別揚帆過楚津花繁期到幕雪在已
離秦吟落江沙月行飛驛騎塵猿聲孤島雨草
色五湖春折葦鳴風岫遙煙起暮蘋鄱江連郡
府高興寄何人

送李使君赴瓊州兼五州招討使

分竹雄兼使南方到海行臨門雙旆引隔嶺五
州迎猿鶴同枝宿蘭蕉夾道生雲垂前騎失山
豁去帆輕雨霧蒸秋岫江濤震夜城政閒開迥
閣欹枕島風生

送杜司馬再遊蜀中

爲客應非願愁成欲別時還遊蜀國去不惜杜
陵期劒水啼猿在關林轉棧遲日光低峽口雨
勢出岷眉山迴逢殘角雲開識遠夷勿令雙鬢
髮併向錦城衰

寄羽林盧大夫

將軍直禁闈。繡服耀金羈。羽衛三天靜。英豪四塞知。望雲回朔雁。隔水射宮麋。舊國無歸思。秋堂夢戰時。門風荀氏敵。劔藝霍家推。計日旌旄下。蕭蕭萬馬隨。

惟審

賦得黃鳥啼

捲簾清夢後。芳樹引流鶯。隔葉傳春意。穿花送曉聲。未調雲路翼。空負桂枝情。莫盡關關興。羈愁厭忽生。

春日旅懷呈知己

生涯萬事有蒼蒼。應逐流萍任谷方。春水獨行人漸遠。故園歸夢夜空長。一燈隔浦猿孤嘯。數點驚心淚滿裳。不為知音憐范叔。信誰江上問行藏。

靈徹

字澄源。會稽人。

聽鶯歌

新鶯傍簷曉更悲。孤音清冷嘯素枝。口邊血出語未盡。豈是怨恨人不知。不食枯桑甚不銜。苦

李花偶然弄樞機。宛轉凌煙霞。衆雛飛鳴何跼
 促。自覘游蜂啄枯木。玄猿何事朝夜啼。白鷺長
 在汀洲宿。黑鷗黃鶴豈不高。金籠玉鈎傷羽毛。
 三江七澤去不得。風煙日暮生波濤。飛去來莫
 上高城頭。莫下空園裏。城頭鴟烏拾羶腥。空園
 燕雀爭泥滓。願當結舌含白雲。五月六月一聲
 不可聞。

送鑿供奉歸蜀寧親

林間出定戀庭闈。聖主恩深暫許歸。雙樹欲辭

金錫冷。四花猶向玉階飛。梁山拂漢分清境。蜀
 雪和煙惹翠微。此去不須求綵服。紫衣全勝老
 萊衣。

九日和于使君上京

清晨有高會。賓從出東方。楚俗風煙古。汀洲水
 木涼。山情來遠思。菊意在重陽。心憶華池上。從
 容鷓鷯行。

宿東林寺

天寒猛虎嘯巖穴。林下無人空有月。千年像教

今不聞焚香獨爲鬼神說

東林寺酬韋丹刺史

年老身閒無外事麻衣草座亦容身
相逢盡道休官去林下何曾見一人

答徐廣叔四問

童子出家無第行隨師乞食遣稱名
長沙豈敢論年幾絳老惟知甲子生

歸湖南

山邊水邊待月明暫向人間借路行
如今還向

山邊去只有湖水無路行

簡寂觀

古松古栢巖壁間猿攀鶴巢古枝折
五月有霜六月寒時見山翁來取雪

遠公墓

古墓石稜稜寒雲晚景疑空悲虎溪月
不見雁門僧

天台山華頂峰

天台衆峰外華頂當寒空有時半不見
崔嵬在

歷代詩選

唐卷之九十三

六

祥

雲中

石倉十二代詩選

唐卷之九十三

終

石倉十二代詩選

唐卷之九十四

方外

四

明候官曹學佺閱

釋護國

江南人
大曆僧

歸山作

誼靜各有路。偶隨心所安。縱然好朝市。終不忘
林巒。四皓將拂衣。二疎能挂冠。窗前隱逸傳。每
日三時看。斬尚那可論。屈原亦可歎。至今黃泉
下。名及青雲端。松牖見初月。花間禮古壇。何處
論心懷。世上空漫漫。

歷代詩選

唐卷之九十四

一

祥

別盛安

情人取次幾淹留，別後南州與北州。
月色為憐今夜客，砧聲那似去年秋。
欲除豺虎論三略，莫對雲山詠四愁。
親故相逢休借問，古來無種是王侯。

逢靈道士

浮丘山上見黃冠，松栢森森步古壇。
一莖青竹以為杖，數顆仙桃仍未餐。
長安市裏方賣卜，武陵溪畔每燒丹。
縮地往來無定所，桃花源到處路

漫漫

傷蔡處士

篋中遺草是琅玕，對此空令灑淚看。
三逕尚餘行迹在，數螢猶是映書殘。
晨光不借泉門曉，暝色惟添隴樹寒。
欲問皇天天更遠，有才無命說應難。

訪雲母山僧

森然古巖裏，淨行一番僧。
松下濾寒水，佛前燒夜燈。
蓮花國土異，貝葉梵書能。
想到空王境，無

心問愛憎

題王班水亭

湖上見秋色曠然如爾懷豈惟歡隴畝兼亦外
形骸待月歸山寺彈琴坐暝齋布衣閒自貴何
用謁天階

許州鄭使君孩子

毛骨貴天生肌膚片玉明見人空解笑弄物不
知名國器嗟猶小門風望益清抱來芳樹下時
引鳳雛聲

愴故人舊居

惆悵至日暮寒鴉啼樹林破階苔色厚殘壁雨
痕深命與時不遇年為病所侵空餘行逕在令
我歎人琴

臨川道中

出谷入谷路回轉秋風已至歸期晚舉頭何處
望來蹤萬仞千山鳥飛遠

清塞

畱辭杭州姚合郎中

波濤千里隔抱疾亦相尋會宿逢高燒辭歸值
積霖叢桑山杏迴孤燭海船深尚有重來約知
無省閣心

送分定歸靈夏

南遊多老疾見說講經稀塞寺幾僧在關城空
自歸帶河衰草斷映月早沙飛却到禪齋後邊
軍識衲衣

酬吳之問見贈

已當鳴雁夜多事不同居故疾離城晚秋林見

月疎趁鐘關靜戶帶葉卷殘書盪槩期南去荒

園久廢鉏

冬日山居思鄉

太野始嚴凝雲天曉色澄樹寒稀宿鳥山迴少
來僧昔日收窗雪開爐釋硯冰忽然歸故國孤

想寓西陵

送耿山人歸湖南

南行隨老僧舊業一池菱兩鬢已垂雪五湖歸
挂罾夜濤鳴柵鎖寒葦露船燈此去應無事却

來期未能

柏巖禪師

野寺絕依念空山曾徧行老來披衲重病起讀
經生乞食嫌村遠尋溪愛路平多年柏巖住不
識柏巖名

宿開元寺樓

西峰殘日落誰見寂寥心孤枕客眠久兩廊僧
話深寒扉關雨氣風葉隱鐘音此愛東樓望仍
期別夜尋

留別南徐故人

三年蒙見待此夕是前程未斷却來約且伸臨
去情潮回灘鳥下月上客船明他日南徐道緣
君又重行

春日重至南徐舊居

綠水陰空院春深喜再來獨眠從草長留酒看
花開過雨遠山出向風孤鳥回忽思秋夕事雲
物却悠哉

題何氏池亭

信是虛閒地。亭亭亦有苔。繞池逢石坐。穿竹引
山回。果落纖萍散。龜行細草開。主人偏好事。終
不厭頻來。

贈慶餘投書

風泉盡結冰。寒夢徹西陵。越信楚城得。遠懷中
夜興。樹停沙島鶴。茶會石橋僧。寺閣連官舍。行
吟過幾層。

尋北岡韓處士

相過值早涼。松帚掃山房。坐石泉痕黑。登城

色黃。逆風沈寺磬。初日耀鄰桑。幾處逢僧說。期
來宿北岡。

逢播公

帶酒稀相見。西城早晚來。衲衣風壞帛。香印雨
沾灰。坐久鐘聲盡。談餘嶽影回。却思同宿夜。高
枕話天台。

入靜隱寺途中作

亂雲迷遠寺。入路認青松。鳥道緣巢影。僧鞋印
雪蹤。草煙連野燒。溪霧隔霜鐘。更遇樵人問。猶

歷代詩選
唐釋清塞
言過幾峰

玉芝觀王道士

四面松杉合空堂。畫老仙。蠹根停雪水。曲角積
茶煙。道至機心盡。宵清琴韻全。暫來還又去。不
得坐經年。

出關後寄賈島

故國知何處。西風已度關。歸人值落葉。遠路入
寒山。多難喜相識。久貧寧自閒。惟將來往信。遙
慰別離顏。

春喜友人至山舍

鳥鳴春日晚。喜見竹門開。路自高巖入。人騎瘦
馬來。折花林影動。移石澗聲回。更欲留深語。重
城暮色催。

書實上人房

絕頂言無伴。長懷落髮師。齋歸門掩雪。講徹樹
生枝。沙井泉澄疾。秋鐘韻盡遲。里中還受請。又
爽赤城期。

早秋過郭涯書堂

歷代詩選

唐釋清塞

卷九十四

七

山

暑消岡舍清閒語有餘情石水生茶味松風或
扇聲遠分臨海雨靜覺掩山城此地秋吟苦時
來遶菊行

送表兄東南遊

山水疊層層吾兄涉又登挂帆春背雁尋磬在
逢僧雪溜懸南嶽江雲蓋秣陵評文永不忘此
說是中興

晚秋江館寄姚郎中

病寄曲江居帶城傍門孤柳一蟬鳴澄波月上

見魚擲荒逕葉乾聞犬行越島夜無侵閣色寺
鐘開有隔源聲故園賣盡休歸去湖水秋來空
自平

同處士秋懷少室故居

曾居少室黃河畔秋夢長懸未得回扶病半年
離水石思歸一夜隔風雷荒齋幾遇僧眠後野
菊頻經鹿踏來燈下此心君共說傍松幽宅幾
多苔

寄新頭陀

見說北京尋祖後，瓶盂自挈遶窮邊。相逢竹塢
晦暝夜，一別茗溪多少年。遠洞省穿湖底過，斷
崖曾向壁中禪。青城不得師同住，坐想滄江意
浩然。

湘漢旅懷傑公

一室空江聽急流，仍同賈客坐歸舟。遠書來隔
巴陵雨，衰髮去經彭蠡秋。不擬為身謀舊業，終
期斷穀隱嵩丘。吾宗尚作無家者，中夜廢吟生
旅愁。

寄韓司兵

多病十年無舊識，滄州亂後始逢君。已知罷秩
辭瀧水，相勸移家住嶽雲。泗上旅帆侵疊浪，雪
中歸路踏荒墳。更為此別愁應老，書劄何由到
北軍。

贈厲玄侍御

山松徑與瀑泉通，巾舄行吟想越中。塞雁去經
華頂末，鄉僧來自海濤東。關分河漢秋鐘絕，露
滴籬猴夜嶽空。抱疾因尋周柱史，杜陵寒葉落

無窮

送韓評事

門枕平湖秋景好。水煙松色遠相依。罷官餘俸
租田種。送客回舟載石歸。離岬遊魚逢浪返。望
巢寒鳥逆風飛。嵩陽舊隱多時別。閉目閒吟憶
翠微。

宿隱靜寺上方

一宿五峰杯渡寺。虛廊中夜磬聲分。疎林未落
上方月。深澗忽生平地雲。幽鳥背泉栖靜境。遠

人當燭想遺文。暫來此地歇勞足。望斷故山滄

海濱。

送宋禪師

衡陽一別十三春。行脚同來有幾人。老大却思
歸嶽寺。當時來漆祖師身。

送蜀僧

萬里獨行無弟子。惟齋筇竹與檀龕。看經更向
吳中老。應是山川似劔南。

過僧竹院

一生愛竹自未有，每到此房歸不能。高人留宿
話禪後，寂寞雨堂空。夜燈。

送僧

草屨初登南客船，銅餅猶貯北山泉。衡陽舊寺
秋歸後，門鎖寒潭幾樹蟬。

文益

覩木平和尚

木平山裏人，貌古言復少。相看陌路同，論心秋
月皎。壞衲線非蠶，助歌聲有鳥。城闕今日來，一

漚曾已曉

十科看牡丹，凡少人哭苦。今既暮雨，漸駭字平
擁毳對芳叢，由來趣不同。髮從今日白，花是去
年紅。艷色隨朝露，馨香逐晚風。何須待零落，然
後始知空。

可止

山居

雪消春力展，花漫洞門垂。果長纖枝曲，巖崩直
道移。重猿圍淺井，聞鼠下疎籬。寒食微燈在高

歷代詩選

唐

文益

卷九十四

七

三

歷代詩選

卷九十四

十一

風勢徹陂

送僧

四海無拘繫行心與自濃百年三事衲萬里一枝筇夜減當時影春消過雪蹤白雲深處去知宿在何峰

哭賈島

燕生松雪地蜀死葬山根詩僻降今古官卑悞子孫塚闌寒月色人哭苦吟魂暮雨滴碑字年年添蘚痕

清江

大曆時人與章人無倡和

夕次襄邑

何處戒吾道經年遠路中客心猶向北河水自歸東古戍鳴寒角疎林振夕風輕舟惟載月那與故人同

嚴秘書宅會章八元

佳期曾不遠甲第即南隣惠愛偏相及經過豈厭頻秋寒林葉動夕霽月華新莫話羈栖事平原是主人

歷代詩選

唐詩卷九十四

卷九十四

十一

三

送堅上人歸杭州天竺寺

十年勞負笈經論化中朝流水知鄉近和風惜
別遙雲山零夜雨岍浦上春潮歸卧南天竺禪
心更寂寥

送贊律師歸嵩山

禪意歸心急山深定易安清貧修道苦孝友別
家難雪路侵溪轉花宮映嶽看到時瞻塔暮松
月向人寒

上都訓童十八兄

每歎經年別人生有幾年關河長問道風雨獨
隨緣寓蝶成莊夢懷人識爾賢微猷不及此空
愧白華篇

湘川懷古

瀟湘連汨羅復對九嶷河浪勢屈原塚竹聲漁
父歌地荒征騎少天暖浴禽多脉脉東流水古
今同奈何

精舍遇雨

空門寂寂淡吾身溪雨微微洗客塵卧向白雲

情未盡任他黃鳥醉芳春

法照

送無著禪師歸新羅國

萬里歸鄉路隨緣不算程
尋山百衲敝過海一杯輕
夜宿依雲色晨齋就水聲
何年持貝葉却到漢家城

寶月

行路難

君不見孤雁關外發酸嘶度楊越
空城客子心

腸斷幽閨思婦氣欲絕凝霜夜下拂羅衣浮雲
中斷開明月夜夜遙遙徒相思年年望望情不
歇取我匣中青銅鏡倩人為君除白髮行路難
行路難夜聞南城漢使度使我流淚憶長安

廣宣

駕幸天長寺應制

天界宜春賞禪門不掩關宸遊雙闕外僧引百
花間車馬喧長路煙雲淨遠山觀空復觀俗皇
鑒此中間

九日菊花詠應詔

可訝東籬菊能知節候芳
細枝青玉潤繁葉碎
金香爽氣浮朝露濃姿帶夜霜
泛杯傳壽酒應共樂時康

聖恩顧問獨遊月磴閣直書其事應制

禪居河畔無多地來往尋春物正華
磴道上盤千畝竹欄干低壓萬人家
簷前施飯來飛鳥林下行春踏落花
自解剎那知佛性不勞更喻幾
塵沙

安國寺隨駕幸興唐觀應制

東林何殿是西隣禪客垣墻接羽人
萬乘遊仙宗有道三車引路本無塵
初傳寶訣長生術已證金剛不壞身
兩地盡修天上事共瞻鑾駕重來巡

石倉十二代詩選

唐卷之九十四

石倉十二代詩選 黃金錄 唐卷之九十五
方外 五
釋貫休 字德隱 鍾陵人
古意六首
一雨火雲盡 閉門心冥冥 蘭花與芙蓉 滿院同
芳馨 佳人天一涯 好鳥鳴嚶嚶 我有雙白璧 不
羨趙虞卿 我有徑寸珠 別是天地精 玩之室生
白 蕭灑身安輕 只應天上人 見我雙眼明
陽鳥爍萬物 草木懷春恩 茫茫塵土飛 培擁名

石倉十二代詩選 黃金錄 唐卷之九十五

方外 五

釋貫休 字德隱 鍾陵人

古意六首

一雨火雲盡 閉門心冥冥 蘭花與芙蓉 滿院同
芳馨 佳人天一涯 好鳥鳴嚶嚶 我有雙白璧 不
羨趙虞卿 我有徑寸珠 別是天地精 玩之室生
白 蕭灑身安輕 只應天上人 見我雙眼明
陽鳥爍萬物 草木懷春恩 茫茫塵土飛 培擁名

利根我本事。篋笠幼知天子尊。學爲毛氏詩。亦多致直言。不慕蠕蠕類。附勢同崩奔。惟尋桃李蹊。去遊長者門。

美人如游龍。被服金鴛鴦。手把古刀尺。在彼白玉堂。文章深掣曳。珂珮鳴玎璫。好風吹桃花。片片落銀牀。何當舉羽翰。遠逐朱鳥翔。

乾坤有清氣。散入詩人脾。聖賢遺清風。不在惡木枝。千人萬人中。一人兩人知。憶在東溪日。花開葉落時。幾擬以黃金鑄作鍾子期。

古交如直金。百鍊色不回。今交如暴流。倏忽生塵埃。我恐君子氣。散爲松柏栽。我恐荆棘花。只爲小人開。傷心復傷心。吟上高高臺。莫輕白雲白。不與風雨會。莫見守羊兒。謂是初平輩。人生非日月光。輝豈長在一榮與一辱。今古常相對。不見于公門。子孫好冠蓋。

憶在山中時

憶任山中時。丹桂花歲蕤。紅泉浸瑤草。日夕生華滋。箬屋開地爐。翠墻挂藤衣。看經竹窗邊。白

猿三四枝東峰有老人眼碧頭骨奇種蕪煮白石
石肯趣如嬰兒月上來打門月落方始歸授我
微妙訣恬然無所為別來六七年只恐白日飛
行路難

君不見山高海深人不測古往今來轉青碧淺
近輕浮莫與交地卑只解生荆棘誰道黃金如
糞土張耳陳餘斷消息行路難行路難君自看
詠吟
經天緯地物動必計天才盡日覓不得有時還

自來真風含素髮秋色入靈臺吟向霜蟾下終
須神鬼哀

春山行

重疊太古色濛濛花雨時好山行恐盡流水語
相隨黑壤生紅木黃猿領白兒因君石橋日曾
與道人期

送人赴舉

兩河兵火後西笑見吾曹海靜三山出天空一
鶴高賃居槐陟屋行卷雪沾袍他日如柑是栽

松作小濤

老僧

獨任無人處。松龕嶽色侵。僧中九十臘。雲外一生心。白髮垂不剃。青眸笑轉深。猶能指孤月。爲我暫開襟。

贈道士

關茸復埃塵。難親復易親。皆疑有仙術。問著却愁人。祇恐耽浮蟻。曾云見月逢先合。掌渾似有前因。

苦熱

松桂晝不動。陽鳥飛半天。稻麻雖結實。砂石欲生煙。毒氣仍于扇。高枝不立蟬。舊山多貯雪。歸去是何年。

贈隱者

千峰映碧湘。真隱此中藏。飯不煮石爛。肴應似雪長。楓根支酒甕。鶴虱落琴牀。雖效忘機者。斯人尚未忘。

新蟬

尋常看不見。花樹盡莓苔。忽向高枝發。驚從何處來。風清聲更苦。露潔思彌哀。多少求名者。年年被爾催。

秋寄李頻使君

務簡趣誰陪。清吟共綠苔。葉和秋蟻落。僧帶野風來。畱客朝嘗酒。憂民夜畫灰。終期冒風雪。江上見宗雷。

題簡禪師院

忘機室入空。靜與沃洲同。惟有半庭竹。能生意竟。

日風思山海。月上出定印。香終繼後傳。衣者還須立雪中。

懷智體道人

把筆懷吾友。庭鶯日轉時。惟應一處住。方得不相思。雪水淹門闥。春雷折樹枝。平生無限事。不獨白雲知。

湘江懷古

煙浪漾秋色。高吟孰得隣。一輪湘渚月。萬古獨醒人。听濕穿花遠。雲香禱廟頻。祇應諛佞者。到

此不傷神

寒思廬山賈生

山兄詩僻甚寒夜更何為
覓句惟頑坐嚴霜打
不知石膏粘木屐崖粟落冰池
近見禪僧說生
涯勝往時

雪夜寄友人

皓彩中宵合開門失所蹤
何年今夜意共子在
孤峰氣射燈花落光侵壁罅
罅濃惟君心似我吟
到五更鐘

途中逢周朴

策西南北路相遇共興衰
世獨無知己君從何
處來菊衰芳草在程遠宿煙開
儻遇求賢主登
庸不用媒

休糧僧

不食更何求自由中自由
身輕嫌衲重天旱為
民愁應器誰將去生臺蟻不遊
會須傳此術其
老在林丘

題擇詞律師院

律中麟角者高淡出塵埃芳草不曾觸幾生如
此來壑風吹磬斷杉露滴花開如結林中社伊
予願一陪

哭靈一上人

一公何不在空有遠公名共說岑山路今時不
可行舊房松更老新塔草初生經論傳緇侶文
章徧墨卿禪林枝幹折法宇棟梁傾誰後修僧
史應知傳已成

送崔峒使往睦州兼寄薛司戶

如今相府用英髦獨往南州肯告勞冰水近開
漁浦出雪雲初卷定山高木奴花映桐廬縣青
雀舟隨白鷺濤使者須應訪廉吏府中惟有范
功曹

九日登高

詩人九日憐芳菊逐客高齋瞰浙江漁浦浪花
搖素壁西陵樹色入秋窗木奴向熟懸金實桑
落新開瀉玉釭四子醉時爭講德笑論黃霸屈
為邦

謝諸公宿鏡水宅

幸免低頭向府中，貴將藜藿與君同。
陽雁叫霜來枕上，寒山映月在湖中。
詩書何德名夫子，草木推年長數公。
聞道漢家偏好少，此身那比訪芝翁。

題茅山李尊師所居

天師百歲少如童，不到山中更不逢。
洗藥每臨新瀑水，步虛時繞最高峰。
籬根五月留殘雪，座右千年蔭古松。
此去人寰知近遠，迴看路隔一

重重

獻錢尚父

貴逼人來不自由，龍驤鳳翥勢難收。
滿空花醉三千客，一劍霜寒十四州。
鼓角揭天嘉氣冷，風濤動地海山秋。
東南永作金天柱，誰羨當時萬戶侯。

山中

休話喧譁事事難，山翁只合任深山。
數聲清磬是非外，一箇閒人天地間。
綠圃空階雲冉冉，異

禽靈草水潏潏 人為向壑偏道岩桂枝高更好攀

其二

誰是言休即便休 高吟靜坐碧峰頭 三間茅屋無人到 十里松門獨自遊 明月清風宗炳社 夕陽秋色庾公樓 修身未到無心地 萬種千般逐水流

其三

露滴紅蘭玉繞畦 閒拖象屐到峰西 但令心似

蓮花潔 何必身將槁木齊 古壑細煙紅樹老 半巖殘雪白猿啼 雖然不是桃源洞 春至桃花亦滿溪

其四

嵐嫩風輕似碧紗 雲樓金像滿煙霞 葛苞玉粉生香壠 菌蔕銀丁出古槎 舉世只知嗟逝水 無人微解悟空花 可憐擾擾塵埃裏 雙鬢如絲事若麻

其五

心心不住希夷石室巉巖白髮垂惜情不除
當路笋愛松留得礙人枝焚香開卷霞生砌捲
箔冥心月在池無限故人頭已白不知今日復
何之

其六

孤庵暝月在穹冥茵枕松牀蘚陣青乳鹿暗行
樾徑雪瀑泉微濺石樓經聞吟不覺過天井長
嘯還能動嶽靈應恐無人知此意非凡非聖獨
惺惺

其七

五嶽煙霞連不斷三山洞穴去應通石窗欹枕
疎疎雨水碓無人浩浩風童子念經深竹裏獼
猴捫虱夕陽中因嗟往事拋心力六七年來楚
水東

其七

翠竇煙岩畫不成桂華瀑沫雜芳馨撥霞掃雪
和雲母掘石移松得茯苓好鳥似花窺玉磬嫩
苔如水沒金餅從他人哭從他笑地覆天翻也

只寧

其九

自休自了自安排常願居山事偶諧僧採樹皮
臨絕壑猿爭山果落空階閒擔茶器綠青嶂靜
補禪袍坐綠崖虛作新詩反招隱出來多與此
心乖

月夕

霜月夜徘徊樓中羌笛催曉風吹不盡江上落
殘梅

春野

閒步淺青平綠流水征車自速誰家挾彈少年
擬打紅衣啄木

秋夜曲

蟋蟀切切風騷騷芙蓉歎香蟾蜍高孤燈耿耿
征婦勞更深撲落金錯刀

春晚

深門寂寂黍飯馨山家煙火春雨晴庭花濛濛
水泠泠小兒啼索樹上鶯

深山逢老僧

衲衣線粗心似月，自把短鉏同楫。拙青石溪邊，踏葉行數片。雲隨兩眉雪。

邊上作二首

山無綠兮水無清，風旣毒兮沙亦腥。胡兒走馬疾飛鳥，聯翩射落雲中聲。

其二

陣雲忽向沙中起，探得打過遼水。堪嗟護塞征戍兒，未戰已疑身是鬼。

宿深村

行行一宿深村裏，雞犬豐年鬧如市。黃昏見客合家喜，月下取魚戽塘水。

書石壁禪居

赤旃檀塔六七級，白菡萏花三四枝。禪客相逢勸歸去，此心能有幾人知。

聽僧彈琴

家住吳王古戰城，海風終日打檣聲。今朝鄉思渾堆積，琴上聞師大蟹行。



歷代詩選 唐釋貫休

題蘭江言上人院二首

一生只着一麻衣，道業還期習彥威。
手把新詩說山夢，石橋天柱雪霏霏。

只是危吟坐翠層，門前岐路自崩騰。
青雲名士時相訪，茶煮西峰瀑布冰。

合家喜共下，取魚氣熱水。

石倉十二代詩選 唐卷之九十五 終

石倉十二代詩選 唐卷之九十六

方外 明候官曹學佺闕

釋齊已 廬岳人有白蓮集

荆渚疾中因思匡廬遂寄梁先輩

老生病死者，早聞天竺書。
相隨幾汨沒，不得堪欷歔。
自理自可適，他人誰與祛。
應當入寂滅，乃得長銷除。
前月已骨立，今朝還貌舒。
披衣試步履，倚策聊躊躇。
江月青眸冷，秋風白髮疎。
新題憶剡碣，舊約懷匡廬。
張野人絕跡，樂天曾卜居。

空龕掩薜荔瀑布歎蟾蜍古檜鳴玄鶴涼泉躍
錦魚狂吟樹陰映縱踏花蔦菸唇舌旣已閒心
脾亦散攄松窗有偃息石逕無趨趨夢冷通仙
闕神融合太虛千峰杳靄際萬壑明清初長往
期非晚半生閒有餘依劉未是詠訪戴寧忘諸
稽古堪求已觀時好笑渠埋頭逐小利沒脚拖
長裾道種將閒養情田把藥鉏幽香發蘭蕙穢
莽摧丘墟敢謂囊盈物那言廣滿儲微煙動晨
爨細雨滋園蔬蘚亂珍禽羽門稀長者車冥機
生兀兀着履行徐徐每許親朱履多憐奉隼旗
簪嫌紅玳瑁社念金芙蓉海內競鐵馬篋中藏
紙驢常言謝時去此意將何如

瀟湘二十韻

二水遠難論從離向坎奔冷穿千嶂脉清過幾
州門闕出都凝白傷來盡帶渾經遊聞舜禹表
裏見乾坤浦靜魚閒釣灣涼雁自屯月來分夜
底雲度見秋痕暮氣藏隣寺寒濤聒近村離騷
傳永恨鼓瑟奏遺魂霧擁魚龍窟槎歌島嶼根

歷代詩選 唐釋齊己
秋風帆上下。落日樹沈昏。柳少砂洲缺。苔多古
岫存。禽巢依橘柚。獺逕入蘭蓀。色自江南絕。名
聞海內尊。吳顏椎莫遏。漢口壯堪吞。寥次晴方
映。馮夷信忽翻。渡遙峰翠疊。汀小荻花繁。勢接
湖煙漲。聲和嶂雨歎。急搖吟客舫。狂濺野人樽。
疏鑿誰窮本。澄鮮自有源。對茲傷九曲。含濁出
崑崙。

竹裏作六韻

獨來深處坐。剩覺有吟思。忽似瀟湘岫。欲生風
雨。冷煙生古屋。乾籜墮秋墀。徑熟因頻入。身
閒得徧欹。踏多鞭節損。題亂粉痕隳。猶見前山
鬢。微茫隔短籬。

題鶴鳴泉八韻

嘹唳遺蹤去。澄明物掩難。噴開山面碧。飛落寺
門寒。汲引隨瓶滿。分流逐處安。幽虫乘葉過。渴
狄擁條看。上有危峰疊。旁宜恠石盤。冷吞雙樹
影。甘潤百毛端。異早聞鑄玉。靈終別建壇。瀟湘
在何處。終日自波瀾。

風琴引

按吳絲雕楚竹高託天風拂爲曲
素空鸞鳴鳳語翹梧桐夜深天碧松風多孤窗
寒夢驚流波愁魂徬枕不肯去翻疑住處隣湘
娥金風聲盡薰風發冷泚虛堂韻難歇常恐聽
多耳漸繁清音不絕知音絕

湘妃廟

湘煙濛濛湘水急汀露凝紅裊蓮濕蒼梧雲疊
九疑深二女魂飛江上立江上立相携泣鳳蓋

龍輿追不及廟荒松朽啼飛猩笏鞭迸出階基
傾黃昏一片陰風起新月如眉生闊水

和鄭谷郎中幽棲之什

誰知閒退跡門逕入寒汀靜倚雲僧杖孤看野
燒星墨霑吟石黑苔染釣船青相對惟溪寺初
宵聞念經

勉詩僧

莫把毛生刺低徊謁李膺須防知佛者解笑愛
名僧道性宜如水詩情合似冰還同蓮社客聯

歷代詩選 卷之四
唱遶香燈

送人遊湘湖

君遊南國去，旅夢若爲寧。
一路隨鴻雁，千峰遶洞庭。
林蹠風盡落，野黑燒初經。
有興尋僧否，湘西寺最靈。

東林雨後望香爐峰

翠濕僧窗裏，寒生鳥道邊。
靜思尋去路，危遶落來泉。
暮雨開青壁，朝來煙二林。
多長老誰憶上頭禪。

苦熱中江上懷爐峰舊居

舊寄爐峯下，杉松遶石房。
年年五六月，江上憶清涼。
久別應荒廢，終歸隔渺茫。
何當便搖落，披衲玩秋光。

荆門送晝公歸彭澤舊居

彭澤禪居在，匡廬翠疊前。
因思從楚事，便附吳舩。
岼遶春殘樹，江浮霽後天。
應過虎溪社，佇立想諸賢。

寄懷江西栖公

風入詩選 卷九十六 五 云

歷代詩選 唐 卷九十六
龍沙爲別日廬阜得書年不見來香社相思遠
白蓮江僧歸海寺楚路接吳煙老病何堪說扶
羸寄此篇

送趙長史歸閩川

荆門與閩越關戍隔三千風雪揚帆去臺隍指
海邊客情銷古治王化似堯年莫失春迴約江
城穀雨前

送休上人歸永嘉舊居

東越常懸思山門在永嘉秋光浮楚水帆影背

長沙城黑天台雨村明海嶠霞時尋謝公迹春

草自瑤花

憶在廬山日

憶在廬山日秋風八月時松聲虎溪寺塔影雁
門碑步碧葳蕤逕吟香苗菖池何當舊泉石歸
去洗心脾

貽廬岳陳沈秀才

爲儒老雙鬢勤苦竟何如四海方磨劍空山自
讀書石圍泉眼碧秋落洞門虛莫慮搜賢僻微

君舊此居

書庄山隱者壁

紅霞青壁底石筍薜蘿垂應有迷仙者曾逢採
藥時桃花饒兩頰松葉挂長髭直是來城市何
人識得伊

懷天台華頂僧

華頂危臨海丹霞裹石橋曾從國清寺上看月
明潮好鳥親香火狂泉噴沈寥欲歸師智者頭
白路迢迢

寄東林言之禪子

閒思相送後幽院閉苔錢使我吟還廢聞君病
未痊聽秋惟困坐怕客但佯眠可惜東窗月無
寥過一年

聽泉

落石幾萬仞遠聲飄冷空高秋初雨後半夜落
山中只有照壁月更無吹葉風幾曾廬岳聽到
曉與僧同

庄山寓居栖公

外物盡已悟閒行亦自由好山逢過夏無事住
經秋樹影殘陽寺茶香古石樓何時定休講歸
漱虎溪流

送朱秀才歸閩

荆門來幾日欲往又囊空遠客歸南越单衣背
北風近鄉微有雪到海漸無鴻努力成詩業無
諸謁至公

書古寺僧房

綠樹深深洞長明焰焰燈春時遊寺客花落閑
門僧萬法心中寂孤泉石上澄勞生漫問處喧
默不相應

湖西逸人

老隱洞庭西漁樵共一溪琴前孤鶴影石上遠
僧題橘柚園林熟蒹葭逕路迷君能許隣並分
藥斲春畦

登金山寺

四面白波聲中流翠嶠橫望來堪目斷上徹始
心平鳥向天涯出雲連水國生重來與誰約題

歷代詩選

唐釋齊己

罷自吟行

又

山帶名金遠樓臺壓翠層魚龍光照象風浪影
搖燈檻外楊州樹船中建業僧塵埃何所到青
石坐如冰

寄楚萍上人

北面香爐秀南邊瀑布寒自來還獨去夏滿復
秋殘日影杉松上雲氣洞壑寬何峰是隣側片
石許相安

寄上荆渚因夢廬岳乃圖壁賦時遂日向

漸

夢繞嗟峨裏神踈骨亦寒覺來共語壁上自圖
看古翠松藏寺春紅杏濕壇歸心幾時遂日向
漸衰殘誰

送東林寺睦公往吳國

八月江行好風帆日夜飄煙霞經北固禾黍過
南朝社客無宗炳詩家有鮑昭莫因賢相召不
返舊山椒

歷代詩選

唐釋齊己

卷九十六

四

嘗茶

石屋晚煙生，松窗鐵碾聲。
因留來客試，共說寄僧名。
味擊詩魔亂，香搜睡思輕。
春風雪川上，憶倚綠叢行。

居道林寺書懷

花落水喧喧，端居信晝昏。
誰來看山寺，自要掃松門。
是事皆能諱，惟詩未懶言。
傳聞好時世，亦欲背啼猿。

謝興公上人寄山水簇子

半幅古潺顏，看來心意閒。
何須尋鳥道，卽此出人間。
巘暮疑啼狖，松深認掩關。
知君遠相惠，免我憶歸山。

登大林寺觀白太傅題版

九疊蒼崖裏，禪家鑿翠開。
清時誰夢到，白傅獨尋來。
怪石和僧定，閒雲共鶴迴。
任茲休去者，心是不然灰。

別東林後迴寄脩睦

昨夜從香社，辭君出薜蘿。
晚來巾馬上，已覺俗

歷代詩選 唐釋齊己
塵多遠路縈芳草遙空共白波南朝在天末此
去重經過

秋苔

獨憐蒼翠文長與寂寥存鶴靜窺秋片僧閒踏
冷痕月明疎竹逕雨歇敗莎根別有深宮裏兼
花鎖斷魂

夏日栖霞寺書懷寄張逸人

人中林下現名自有閒忙建業紅塵滿栖霞白
石涼倚身檀几穩灑面瀑流香不似高齋裏花

連竹影長

題東林白蓮

大士生兜率空池滿白蓮秋風明月下霽日影
堂前色混羣芳坼香殊百和然誰知無染性一
片好心田

東林竹寄金陵知己

十八真賢像時來拂蘚看已知前事遠更結後
人難泉滴勝清磬松香掩白檀憑君聽朝貴誰
欲厭簪冠

贈浙西李推官

他皆恃勲貴君獨富詩篇終日秋光裏無人竹
影邊東樓坐待月北固積吟煙聞說鴛行侶多
才復少年

早梅

萬木凍欲折孤根暖獨回前村深雪裏昨夜一
枝開風遞幽香出禽窺素艷來明年如應律先
發映春臺

寄鏡湖方干處士

賀鑑舊山川空來近百年聞君與琴鶴終日在
漁船島露深秋石湖澄半夜天雲門幾迴去題
徧好林泉

送人遊塞

槐柳野橋邊行塵暗馬前秋風來漢地客淚入
胡天雁聚河流濁羊羣磧草羶那堪隴頭宿鄉
夢逐潺湲

新秋雨後

夜雨洗河漢詩懷覺有靈籬聲新蟋蟀草影老

歷代詩選 唐釋齊己 十一
蜻蜓靜引閒機發，涼吹遠思醒。迢遙向誰說，時
泥漆園經。

贈曹松先輩

今歲赴春闈，達如夫子稀。山中把卷去，牕下注
官歸。楚月吟前落，江禽酒外飛。閒遊向僧寺，仍
着白麻衣。

傷鄭谷郎中

鍾陵千首作，筆絕亦身終。知落干戈裏，誰家煨
燼中。吟齋春長蕨，釣渚夜鳴鴻。惆悵秋江月，曾

在我看同。

題終南山隱者室

終南山北面，直下是長安。自掃青苔室，閒歌白
石看。風吹窗樹老，日曬竇雲乾。時向圭峰宿，僧
房瀑布寒。

原上晚望

倚杖聊攄望，寒原遠近分。夜來何處火，燒出古
人墳。野勢盤空澤，江流合暮雲。殘陽催百鳥，各
自着栖羣。

過陳陶處士舊居

一室貯琴樽詩皆大雅言夜過秋竹寺醉打老
僧門遠燒侵籬下寒蔬簇石根閒庭除鶴迹半
是杖頭痕

春興

柳暖鶯多語花明草盡長風流在詩句牽牽繞
池塘叫切禽名字飛狂蝶姓莊時來真可惜自
勉綴蘭芳

題真州精舍

波心精舍好那听是繁華礙目無高樹當門卽
遠沙晨齋趨海客夜磬到漁家石鼎秋濤靜禪
回有嶽茶

秋夜聽業上人弹琴

萬物都寂寂堪聞彈正聲人心盡如此天下自
和平湘水寫秋碧古風吹太清往年廬嶽奏今
夕更分明

聞落葉

楚樹霜晴後蕭蕭落晚風因思故國夜臨水幾

歷代詩選 唐釋齊己
株空煮茗燒乾脆行苔踏爛紅來年未離此還
見碧成叢

遇廬嶽僧

一聞飛錫別區中深入西南瀑布峰天際雪埋
千片石洞門冰圻幾株松煙霞明媚栖身地苔
蘚縈紆出世蹤莫問江邊舊居寺火燒兵劫斷
秋鐘

懷匡阜

荆州連歲滯遐方拄杖塵封六尺光洗面有香

思石溜冥心無撓憶山牀閒機但媿時機速靜
論須慙世論長昨夜分明夢歸去薜蘿幽逕遶
禪房

送秦禪師歸南嶽

石龕閒鎖白猿邊歸去途程半在船林簇曉霜
離水寺路穿新燒入山泉已尋嵐壁臨空盡却
看星辰向地懸有興寄題紅葉上不妨收拾別
爲編

昭陽微公山房

曲江流影石千株。吾子思歸夢斷初。有信北來
山疊疊無言南去雨。疎疎祖師門接園林路。永
相家同井邑居。閒野老身留得否。相招多是秀
才書。

早鶯

何處經年絕好音。暖風催出轉喬林。羽毛新刷
陶潛菊。喉舌初調叔夜琴。藏雨並栖紅杏密。避
人雙入綠楊深。曉來枝上千般語。應共桃花說
舊心。

寄萍鄉唐稟正字

新書聲價滿皇都。高卧林中更起無。春興酒香
薰肺腑。夜吟雲氣濕髭鬚。同登水閣僧皆別。共
上漁船鶴亦孤。長憶前年送行處。洞門殘日照
菖蒲。

送李秀才歸湘中

詞客携文訪病夫。因吟送別憶湘湖。寒消浦溆
催鴻雁。暖入溪山養鷓鴣。僧向月中尋嶽麓。雲
從城上去蒼梧。君歸爲問峰前寺。舊日松房鎖

歷代詩選
唐釋齊己
在無

送人入蜀

何必閒吟蜀道難。知君心出嶮巖間。尋常秋汎江陵去。容易春浮錦水還。兩面碧懸神女峽。幾重青出丈人山。文君酒市逢初雪。滿貫新醅洗俗顏。

寄南嶽秦禪師

江頭默想坐禪峰。白石山前萬丈空。山下獵人應不到。雪深花鹿在庵中。

寄清溪道者

萬重千疊紅霞嶂。夜燭朝香白石龕。常記溪窗凭危檻。看經影落古龍潭。

人下貽九華上人

一法傳聞繼老能。九華閒卧最高層。秋鐘盡後殘陽暝。門掩松邊雨夜燈。

送人往長沙

荆門歸路指湖南。千里風帆興可諧。好聽鷓鴣啼雨處。木蘭舟晚泊春潭。

歷代詩選

唐詩卷之六

卷之六

夏日城中作

三面僧隣一面牆更無風路可吹涼
他年捨此歸何處青壁紅霞裹石房

又

竹低沙淺雨濛濛小檻幽窗暑月中
有境牽懷人不會東林門外翠橫空

水邊行

身着袈裟手杖藤水邊行止不妨僧
禽栖日落猶孤想隔浪秋山千萬層

幽齋偶作

幽院纔容箇小庭疎篁低短不堪情
春來猶賴隣僧樹時引流鶯送好聲

送僧歸日本

日東來向日西遊一鉢閒尋徧九州
却意雞林本師寺欲歸還待海風秋

酬光上人

禪言難後到詩言坐石心同古鏡魂
應記前秋會吟處五更猶立老松根

無本

尋隱者不遇

松下問童子言師採藥去只在此山中雲深不知處

寄友

聞說到楊州吹簫有舊遊人來多不見莫是上迷樓

石倉十二代詩選

唐卷之九十六

終

